



春秋左氏經傳集解卷三

莊公

名同桓公。子母文姜。諱法勝敵克亂。曰莊起戊子。盡巳未。共三十二年。

周

魯莊公十二年。莊王崩。子僖王立。立莊十七年。僖王崩。孫惠王立。

鄭

魯莊公十四年。鄭傅瑕殺子儀而納厲公。莊二十一年。厲公卒。子文公立。

齊

魯莊公八年。襄公弒莊。九年。齊桓公小白入于齊。是年。齊管仲為政。

宋

魯莊公二年。宋莊公卒。子閔公捷立。莊十二年。閔公弒弟桓公。御說立。

晉

翼。晉侯緡之。二十七年。魯莊公之十六年也。曲沃武公伐晉。滅之。○曲沃武公二十三年。魯莊公十

六年。滅晉侯緡。周僖王命曲沃伯以一車為晉侯始更號曰晉。魯莊十七年。武公卒。于獻公。危諸立。

衛

魯莊六年。齊納惠公。放黔牟于周。莊二十五年。惠公卒。子懿公赤立。

蔡 魯莊公十年楚敗蔡師執哀侯以歸莊十年九年哀侯卒于楚蔡人立其子矜為繆侯

曹 魯莊公二十三年曹莊公卒子僖公夷立魯莊公三十二年僖公卒子昭公班立

滕 詳見隱公元年

陳 魯莊公元年十月莊公卒子宣公杵臼立

杞 詳見隱公元年及僖公元年

薛 魯莊公三十一年薛伯卒

邾 魯莊公十八年邾子克卒即儀父也邾子瑗立莊公二十八年邾子瑗卒文公遂蒞立

許 許叔入許五年即僖公四年許穆公新臣也

小邾 魯莊公五年邾黎來朝詳見隱公元年

楚 魯莊四年武王卒子文王熊貲立莊十九年文王卒子堵敖熊羆立莊二十二年熊惲弑兄堵敖代立是為楚成王史記以莊十八年為堵敖元年堵敖立五年遇弑楚成成立十六年齊桓公以兵侵楚至陘○莊公三十一年楚子文為令尹

秦 詳見隱公元年

吳越 俱詳見隱公元年

經 戊子 莊王元年春王正月○三月夫人孫于齊

莊公母也魯人責之故出奔內諱奔謂之孫猶孫讓而去○孫本作遜

夏 單伯送王

姬無傳單伯天子卿也單采地伯爵也王將嫁女于齊既命魯為主故單伯送女不稱使也王姬不稱

字以王為尊且別於內女也天子嫁女於諸侯使同姓諸侯主之不親昏尊卑不敵○單音善

○秋 春秋左傳卷三十一 莊公二十五年 裝 五百二十七

築王姬之館于外公在諒闇慮齊侯當親迎不忍便

舍於外○諒音亮迎魚敬反○冬十月乙亥陳侯林卒無傳未同盟而赴以

名○王使榮叔來錫桓公命無傳榮叔周大夫榮氏叔字錫賜也追命桓公

衰稱其德若昭七年○王姬歸于齊無傳不書逆

齊師遷紀邢鄆部無傳齊欲滅紀故徙其三邑之民而取其地邢在東莞臨朐縣東南

邢音萍鄆音茲鄆音吾胸其俱反○

傳元年春不稱即位文姜出故也文姜與桓俱行而桓為齊所殺故不

敢還莊公父弒母出故不忍行即位之禮據文姜未還故傳稱文姜出也姜於是感公意而還不書不告

廟○三月夫人孫于齊不稱姜氏絕不為親禮也姜氏

齊姓於文姜之義宜與齊絕而復○秋築王姬之館

于外為外禮也齊疆魯弱又委罪于彭生魯不能讐齊然喪制未闕故異其禮得禮之變

○關音宕反

經已丑莊王五年二年春王二月葬陳莊公無傳魯往會之故書例在

昭六年○夏公子慶父帥師伐於餘丘無傳於餘丘國名也莊公時年

十五則慶父○秋七月齊王姬卒無傳魯為之

十有二月夫人姜氏會齊侯于禚夫人行不以禮故還皆不書不告廟

也禚齊地乙酉宋公馮卒無傳再與桓同盟○馮音憑

傳二年冬夫人姜氏會齊侯于禚書姦也文姜前與公俱如齊

裴龍四百九十二

後懼而出奔至此始與齊好會會非夫人之事顯然
書之傳曰書姦姦在夫人文姜比年出會其義皆同

經庚寅莊王六年三年春王正月溺會齊師伐衛溺魯大夫疾其

專命而行故去氏。○夏四月葬宋莊公無傳○五月

葬桓王○秋紀季以鄫入于齊季紀侯弟鄫紀邑在

滅紀故季以邑入齊為附庸先祀不廢○冬公次于

滑滑鄭地在陳留襄邑縣西北傳例曰凡師過信為

其所次以事為宜非虛次

傳二年春溺會齊師伐衛疾之也傳重明○夏五月

葬桓王緩也以桓十五年三月崩○秋紀季以鄫入

于齊紀于是乎始判判分也言分為○冬公次于滑

將會鄭伯謀紀故也鄭伯辭以難厲公在櫟故○難

凡師一宿為舍再宿為信過信為次為經書次例也

言凡師通君臣

經辛卯莊王七年四年春王二月夫人姜氏享齊侯于祝

丘無傳享食也兩君相見之禮非夫人所用直書以見其失祝丘魯地○食音嗣

伯姬卒無傳隱二年裂繻所逆者內女唯○夏齊侯

陳侯鄭伯遇于垂無傳○紀侯大去其國以國與季季

言滅不見迫逐故不言奔大去者不反之辭

○六月乙丑齊侯葬紀伯姬

無傳紀季入鄆為齊附庸而紀侯大去其國齊侯加禮初附以崇厚義故攝伯姬之喪而以紀國夫人禮葬之○秋七月冬公及齊人狩于禚無傳公越竟與齊微者俱狩失禮可知○狩手又反

傳附錄四年春王三月楚武王荆尸授師子馬以伐

隨尸陳也荆亦楚也更為楚陳兵之法揚雄方言子隨者戰也然則楚始於此參用戰為陳○子吉熱反

方言云楚謂戰為將齊入告夫人鄧曼曰余心蕩將授兵於

廟故齊蕩動散也○齊音齊鄧曼歎曰王祿盡矣盈而蕩天之道

也先君其知之矣故臨武事將發大命而蕩王心焉

楚為小國僻陋在夷至此武王始起其眾偕號稱王陳兵授師志意盈滿臨齊而散故鄧曼以天地鬼神

為徵應若師徒無虧王薨於行國之福也王薨於行不死於敵

王遂行卒於楛木之下楛木木名○楛音朗又門滿二音令尹鬬祁

莫敖屈重除道梁澆營軍臨隨隨人懼行成時祕王喪故為

奇兵更開直道澆水在義陽厥縣西東南入鄆水梁橋也隨人不意其至故懼而行成○重直用反一直

容反澆側嫁莫敖以王命入盟隨侯且請為會於漢

汭而還汭內也謂漢西○汭如銳反水曲曰汭濟漢而後發喪○紀侯

不能下齊以與紀季不能降屈事齊盡以○夏紀侯

大去其國違齊難也違辟也難去聲

經壬辰莊王八年五年春王正月○夏夫人姜氏如齊師

無傳 ○秋邠犁來來朝附庸國也東海昌慮縣東北有邠城犁來名 ○(邠)五兮反

冬公會齊人宋人陳人蔡人伐衛

傳五年秋邠犁來來朝名未王命也未受爵命為諸侯傳發附庸稱

名例也其後數從齊桓以尊周室王命以為小邾子 ○(數)音朔 冬伐衛納惠公也惠公

朔也桓十六年出奔齊

經 癸巳莊王六年春王正月壬子突救衛王人王

也雖官卑而見授以人 ○夏六月衛侯朔入于衛朔

諸侯所納不稱歸而以國逆為文朔懼失 ○秋公至

自伐衛無傳告 ○螟無傳為災 ○冬齊人來歸衛俘

公羊穀梁經傳皆言衛寶此傳亦言寶唯此經言俘疑經誤俘囚也 ○(俘)芳夫反

傳六年春王人救衛 ○夏衛侯入放公子黔牟于周

放窻跪于秦殺左公子洩右公子職窻跪衛大夫宥

矣夫能固位者必度其本末而後立衷焉不知其本

不謀知本之不枝弗強本末終始也秉節適也譬之

力所能強成 ○(度)待洛反 詩云本枝百世詩大雅言

俱茂蕃滋 ○冬齊人來歸衛寶文姜請之也公親與

衛事畢而還文姜淫於齊侯故求其所獲 ○附錄 ○

珍寶使以歸魯欲說魯以謝慙 ○(說)音悅 ○附錄 ○

楚文王伐申過鄧鄧祁侯曰吾甥也祁謚也姊妹止

而享之皆鄧甥仕於舅而享之氏也駝甥請殺楚子駝音佳

侯弗許三甥曰亡鄧國者必此人也若不早圖後君

噬齊若齧腹齊喻不可及其及圖之乎圖之此為時矣鄧侯曰

人將不食吾餘言自害其甥必為人所賤對曰若不從三臣抑杜

稷實不血食而君焉取餘言君無復餘弗從還年楚

子伐鄧伐申還十六年楚復伐鄧滅之魯莊公十六年楚終強盛

為經書楚事張本經甲午莊王七年春夫人姜氏會齊侯于防防魯地

夏四月辛卯夜恒星不見恒常也謂常見之星辛卯四月五月光尚微蓋時

無雲日光不以昏沒○見賢遍反夜中星隕如雨如而也夜半乃有雲星落而且雨其

數多皆記異也日光不匿恒星不見而云夜中者以水漏知之○中丁仲反又如字隕于閔反○秋

大水無傳無麥苗今五月周之秋平地出水漂殺熟麥及五稼之苗○漂匹妙反○冬

夫人姜氏會齊侯于穀無傳穀齊地今濟地穀城縣

傳七年春文姜會齊侯于防齊志也文姜素與齊侯會至齊地則姦

發夫人至魯地則齊侯之志故傳畧舉二端以言之○數音朔○夏恒星不見夜明

也星隕如雨與雨偕也偕俱秋無麥苗不害嘉穀也

黍稷尚可更種故曰不害嘉穀

禾火三傳集羊

下葛峯 四百九十一

經乙未莊王十一年八年春王正月師次于郎以侯陳人

蔡人無傳期共伐邾陳蔡不至故駐師于郎以待之甲午治兵治兵於廟習號令將以圍

邾邾○夏師及齊師圍邾邾降于齊師二國同討而齊獨納邾○降戶

江反○秋師還時史善公克已復禮全軍而還故特書師還○冬十有一月

癸未齊無知弑其君諸兒稱臣臣之罪也○兒如字一音五兮反

傳八年春治兵于廟禮也○夏師及齊師圍邾邾降

于齊師仲慶父謂伐齊師齊不與魯共其功故欲伐之公曰不可

我實不德齊師何罪罪我之由夏書曰臯陶邁種德夏書種臯陶能勉種德邁勉也德乃降姑務脩德以待時乎言苟有德乃為

人所降服○秋師還君子是以善魯莊公傳言經所姑且也

史之○齊侯使連稱管至父戍葵丘連稱管至父皆文

葵丘齊地臨淄縣西有地名葵丘○稱尺證反瓜時而往曰及瓜而代期戍

公問不至問命也○期音基請代弗許故謀作亂僖公之母

弟曰夷仲年生公孫無知有寵於僖公衣服禮秩如

適適太襄公紂之二人因之以作亂二人連稱管至父○紂勅律反

連稱有從妹在公宮無寵使閒公伺公之間隙○曰從才用反下同

捷吾以女為夫人捷克也宣無知之言○捷在接反女音汝冬十二月齊

侯游于姑焚遂田于貝丘姑焚貝丘皆齊地田獵也樂安傳昌縣南有地名貝

姑焚遂田于貝丘

姑焚遂田于貝丘

丘○楚扶云見大豕從者曰公子彭生也公見大豕而從者見

彭生皆妖鬼反見補蓋反公怒曰彭生敢見射之豕人立而啼公

懼隊于車傷足喪屨反誅屨於徒人費誅責也○見音現射音石

隊音隊喪去聲費音秘弗得鞭之見血走出遇賊于門劫而束

之費曰我奚御哉袒而示之背信之費請先入詐欲助賊

○御魚呂反袒音但伏公而出鬪死于門中石之紛如死于階

下石之紛如齊小臣亦鬪死遂入殺孟陽于牀孟陽亦小臣代公居牀曰非

君也不類見公之足于戶下遂弑之而立無知經書十一

月癸未長曆推之月六日也傳云十二月傳誤初襄公立無常政令無常鮑叔牙

曰君使民慢亂將作矣奉公子小白出奔莒鮑叔牙小白僖公庶子

○鮑步卯反亂作管夷吾召忽奉公子糾來奔管夷吾召忽皆子糾傳也子糾小白庶兄來不書皆非卿也為九年公伐齊納子糾齊小白入於齊傳○召睛

照初公孫無知虐于雍廩雍廩齊大夫為殺無知傳

經丙申莊王十二年九年春齊人殺無知無知弑君而立未列於會故不

書爵例在○公及齊大夫盟于莒齊亂無君故大夫得敵於公蓋欲迎

子糾也來者非一人故不稱名莒魯地瑯琊繒縣北有莒亭○莒其器反○夏公伐齊納

子糾齊小白入于齊二公子各有黨故雖盟而迎子糾當須伐乃得入又出在小白

之後小白稱入從○秋七月丁酉葬齊襄公無傳九月乃葬

國逆之文本無位

故亂 ○八月庚申及齊師戰于乾時我師敗績小白既

猶不退師歷時而戰戰遂大敗不稱公戰公敗諱之

乾時齊地時水在樂安界岐流旱則竭涸故曰乾時

○乾 ○九月齊人取子糾殺之公子為賊亂則書齊

者時史惡齊志在譎以求管仲非不忍實告殺而書齊取殺

其親故極言之 ○惡鳥路反譎古允反 ○冬浚洙無

洙水在魯城北下合泐浚深之為齊備

傳九年春雍廩殺無知 ○公及齊大夫盟于莒齊無

君也 ○夏公伐齊納子糾桓公自莒先入桓公 ○秋

師及齊師戰于乾時我師敗績公喪戎路傳乘而歸

戎路兵車傳乘來他車 秦子梁子以公旗辟于下道二子公御

以誤齊師 ○喪 是以皆止也止獲 ○鮑叔帥師來言曰

子糾親也請君討之鮑叔乘勝而進軍志在生 管召

讎也請受而甘心焉管仲射桓公故曰讐言甘 乃殺子

糾于生竇生竇魯地 召忽死之管仲請囚鮑叔受之

及堂阜而稅之堂阜齊地東莞蒙陰縣西北有夷吾

名 ○稅 歸而以告曰管夷吾治於高僖高僖齊卿高

上活反 仲治理政事之才多 使相可也公從之敬仲也言管

於敬仲 ○僖音考 經丁酉莊王十 十年春王正月公敗齊師于長勺齊

雖成列魯以權譎稽之列成而不得用 ○二月公侵

故以未陳為文例在十一年長勺魯地 ○二月公侵

宋無傳侵例在

○三月宋人遷宿

無傳宋強遷之而取其地故文異於

邢遷○夏六月齊師宋師次于郎

不言侵伐齊為兵主背蕪之盟義與長勺

同公敗宋師于乘丘

乘丘魯地○秋九月荆敗蔡師

于莘荆楚本號後改為楚楚辟陋在夷於此始通中國然告命之辭猶未合典禮故不稱將帥莘蔡

地○莘以蔡侯獻舞歸○冬十月齊師滅譚

譚在濟南平陵縣西南傳曰譚無禮此直釋所以譚子

奔莒不言出奔國滅無所出

傳十年春齊師伐我不書侵伐齊背蕪之盟我有辭公將戰曹劌請

見曹劌魯人○其鄉人曰肉食者謀之又何閒焉肉食

在位者閒猶與也○閒去聲與音預劌曰肉食者鄙未能遠謀乃入見

問何以戰公曰衣食所安弗敢專也必以分人對曰

小惠未徧民弗從也分公衣食所惠不徧公曰犧牲玉

帛弗敢加也必以信祝辭不敢以小對曰小信未孚

神弗福也孚大信也公曰小大之獄雖不能察必以情必

已情察對曰忠之屬也上思利可以一戰戰則請從

公與之乘共乘兵車○從戰于長勺公將鼓之劌曰

未可齊人三鼓劌曰可矣齊師敗績公將馳之劌曰

未可下視其輒視車迹也登軾而望之曰可矣遂逐齊師

既克公問其故對曰夫戰勇氣也一鼓作氣再而衰
三而竭彼竭我盈故克之夫大國難測也懼有伏焉

恐詐吾視其轍亂望其旗靡故逐之旗靡轍亂怖遽○夏六

月齊師宋師次于郎公子偃曰宋師不整可敗也公

偃魯大夫宋敗齊必還請擊之公弗許自雩門竊出蒙臯

比而先犯之雩門魯南城門臯比虎皮○比音毗公從之大敗宋師于

乘丘齊師乃還○蔡哀侯娶于陳息侯亦娶焉息媯

將歸過蔡蔡侯曰吾媯也妻之姊曰媯止而見之弗賓不禮

敬也息侯聞之怒使謂楚文王曰伐我吾求救於蔡而

伐之楚子從之秋九月楚敗蔡師于莘以蔡侯獻舞

歸○齊侯之出也過譚譚不禮焉及其入也諸侯皆

賀譚又不至以九年入過平聲冬齊師滅譚譚無禮也譚子

奔莒同盟故也傳言譚不能及遠所以亡

經戊戌莊王十四年十有一年春王正月無傳○夏五月戊

寅公敗宋師于鄆鄆魯地傳例曰敵未陳曰敗某師○鄆子斯反○秋宋大

水公使弔之故書○冬王姬歸于齊魯主昏不書齊侯逆不見公

傳十一年夏宋為乘丘之役故侵我公禦之宋師未

陳而薄之敗諸鄆凡師敵未陳曰敗某師通謂設權譎變詐以

勝敵彼我不得成列成列而不得用故以皆陳曰戰

未陳獨敗為文○(為)乘並去聲陳直觀反

堅而有備各得其所大崩曰敗績師徒撓敗若沮岸崩山喪其功績故

曰敗績○(撓)乃孝反一音乃巧反(沮)在

呂反壞也一音子餘反岸崩謂之沮

得僞曰克謂若

大叔段之比才力足以服衆威權足以自固進不成

為外寇強敵退復狡壯有二君之難而實非二君克

而勝之則不言彼敗績但覆而敗之曰取其師覆謂

書所克之名○(雋)音俊

蕪備若網羅所掩覆一軍

皆見禽制故以取為文

京師敗曰王師敗績于某

王者無敵於天下天下非所得與戰者然春秋之世

據有其事列于經則不得不因申其義有時而敗

則以自敗為文明天下

莫之得校○(校)音教

秋宋大水公使弔焉曰天

作淫雨害於粢盛若之何不弔不為天對曰孤實不

敬天降之灾又以為君憂拜命之辱謝辱臧文仲曰

宋其興乎臧文仲魯大夫禹湯罪已其興也悖焉悖盛貌○

桀紂罪人其亡也忽焉忽速貌且列國有凶稱孤禮也

列國諸侯無凶則常稱寡人

言懼而名禮其庶乎言懼罪已名禮稱孤其庶幾

於興○言懼而名禮絕句

既而聞之曰公子御說之辭也宋莊公

魚呂反說音悅臧孫達曰是宜為君有恤民之心○冬齊侯

來逆共姬齊桓公也○附錄○乘丘之役在十公以

金僕姑射南宮長萬金僕姑矢名南宮長萬宋大夫○射食亦反(長)丁丈反

公右欵孫生搏之搏取也不書獲萬時未宋人請之宋

公靳之戲而相愧曰靳魯聽其得還○曰始吾敬子

今子魯囚也吾弗敬子矣病之萬不以爲戲而以爲已病爲宋萬弒君傳

經已亥莊王十五年崩十有二年春王三月紀叔姬歸于鄆

無傳紀侯去國而死叔姬歸魯紀季自定於齊而後歸之全守節義以終婦道故繫之紀而以初嫁爲文賢之也來歸不書非寧且非大歸○鄆音攜

○夏四月○秋八月甲午宋

萬弒其君捷及其大夫仇牧捷閔公不書葬亂也萬名不敬言而遇賊無善事可褒○冬十月宋萬出奔陳奔例在宣十年

傳十二年秋宋萬弒閔公子于蒙澤蒙澤宋地梁國有蒙縣遇仇

牧于門批而殺之手批之也○批普迷反擊也遇大宰督于東宮

之西又殺之殺督不書宋不以告○大音泰立子游子游宋公子羣公子

奔蕭公子御說奔亳蕭宋邑今沛國蕭縣亳宋邑蒙縣西北有亳城南宮牛

猛獲帥師圍亳牛長萬之子○冬十月蕭叔大心叔蕭

大夫及戴武宣穆莊之族宋五公子孫以曹師伐之殺南

宮牛于師殺子游于宋立桓公桓公御說猛獲奔衛南宮

萬奔陳以乘車輦其母一日而至乘車非兵車駕人曰輦宋去陳二百

六十里言萬之多宋人請猛獲于衛衛人欲勿與石

祁子曰不可石祁子衛大夫天下之惡一也惡於宋而保於

我保之何補得一夫而失一國與惡而棄好非謀也

春秋左傳卷三十一

宋衛本同好國○(好)呼報反衛人歸之亦請南宮萬于陳以賂陳

人使婦人飲之酒而以犀革裹之比及宋手足皆見

宋人皆醢之醢肉醬并醢猛獲故言皆○請南宮長萬於陳以賂絕句○(飲)去聲(見)音現醢

海音

經庚子僖王元年十有三年春齊侯宋人陳人蔡人邾人

會于北杏北杏齊地○(杏)戶猛反○夏六月齊人滅遂遂國在濟北蛇

丘縣東北○(蛇)音移秋七月○(蛇)音移冬公會齊侯盟于柯此柯今濟北東阿齊

之阿邑猶祝柯今為祝阿○(柯)古何反

傳十三年春會于北杏以平宋亂宋有弑君之亂遂

人不至○(始)與齊桓通好○夏齊人滅遂而戍之戍守也冬盟于柯始及

齊平也○(背)音佩○附錄○宋人背北杏之會○(背)音佩

經辛丑僖王二年十有四年春齊人陳人曹人伐宋背北杏會

故○(既)伐宋單伯乃至故曰○夏單伯會伐宋會伐宋單伯周大夫○秋七

月荆入蔡入列在文十五年○冬單伯會齊侯宋公衛侯鄭

伯于鄆鄆衛地今東郡鄆城也齊桓脩霸業卒平宋亂宋人服從欲歸功天子故赴以單伯會諸

侯為文○(鄆)音緇一音真傳十四年春諸侯伐宋齊請師于周齊欲崇天子故請師假王命以

示大順經書人傳言夏單伯會之取成于宋而還○

諸侯總衆國之辭貴四百六十四

附錄○鄭厲公自櫟侵鄭厲公以桓十五年入櫟遂居之○櫟音歷及大

陵獲傅瑕大陵鄭地傅瑕鄭大夫傅瑕曰苟舍我吾請納君與

之盟而赦之六月甲子傅瑕殺鄭子及其二子而納

厲公鄭子莊四年稱伯會諸侯今見殺不稱君無謚者微弱臣子不以君禮成喪告諸侯○舍音捨

初內蛇與外蛇鬪於鄭南門中內蛇死六年而厲公

入公聞之問於申繻曰猶有妖乎對曰人之所忌其

氣燄以取之妖由人興也尚書洛誥無若火始燄燄未盛而進退之時以喻人

心不堅正人無釁焉妖不自作人棄常則妖興故有

妖厲公入遂殺傅瑕使謂原繁曰傅瑕貳言有二心於已周

有常刑既伏其罪矣納我而無二心者吾皆許之上

大夫之事吾願與伯父圖之上大夫卿也伯父謂原繁疑原繁有二心且

寡人出伯父無裏言無納我之言入又不念寡人不親已寡

人憾焉對曰先君桓公命我先人典司宗祏桓公鄭始受封

君也宗祏宗廟中藏主石室言社稷有主而外其心

其何貳如之苟主社稷國內之民其誰不為臣臣無

二心天之制也子儀在位十四年矣子儀鄭子也而謀召

君者庸非貳乎庸用也莊公之子猶有八人若皆以官

爵行賂勸貳而可以濟事君其若之何臣聞命矣乃

春秋左傳集解卷之三

縊而死○莊公子猶有八人傳唯見四人子忽子亶子儀並死獨厲公在八人名字記傳無聞

○蔡哀侯為莘故繩息媯以語楚子莘役在十年繩

去聲(繩) 楚子如息以食入享遂滅息
偽設享食之具○(食音嗣)以

息媯歸生堵敖及成王焉未言未與王言堵丁古反楚子問之

對曰吾一婦人而事二夫縱弗能死其又奚言楚子

以蔡侯滅息遂伐蔡欲以說息媯秋七月楚入蔡君

子曰商書所謂惡之易也如火之燎于原不可鄉邇

其猶可撲滅者其如蔡哀侯乎商書盤庚言惡之易長而難滅○冬

會于鄆宋服故也

經壬寅僖王三年十有五年春齊侯宋公陳侯衛侯鄭伯

會于鄆○夏夫人姜氏如齊無傳夫人文姜齊桓公

寧沒則使卿寧○秋宋人齊人邾人伐鄆宋主兵故序齊○

鄭人侵宋○冬十月

傳十五年春復會馬齊始霸也始為諸侯長○秋諸

侯為宋伐鄆鄆附庸屬宋而叛○鄭人閒之而侵宋

去聲(閒)

經癸卯僖王四年十有六年春王正月○夏宋人齊人衛

人伐鄭宋主兵也班序上下以國大小為次征伐○

秋荆伐鄭○冬十有二月會齊侯宋公陳侯衛侯鄭伯許男滑伯滕子同盟于幽書會魯會之不書其人微者也言同盟服異也

陳國小每盟會皆在衛下齊桓始霸楚亦始疆陳侯介於二大國之間而為三恪之客故齊桓因而進之遂班在衛上終於春秋滑國都費河南緡氏○邾子

克卒無傳克儀父名稱子者蓋齊桓請王命以為諸侯再同盟○鄭伯自櫟入

傳十六年夏諸侯伐鄭宋故也鄭侵宋故○附錄

在十四年緩告于楚秋楚伐鄭及櫟為不禮故也○附錄

○鄭伯治與於雍糾之亂者在桓十五年九月殺公子闕則強鉏二子祭仲黨斷足曰則○闕安未反則音月又五刮反鉏仕魚反公文

定叔出奔衛共叔段之孫定謚也三年而復之曰不可使共叔無後於鄭使以十月入曰良月也就盈數焉數滿於十君

子謂強鉏不能衛其足言其不能早辟害○冬同盟于幽鄭成也○附錄○王使虢公命曲沃伯以一軍為晉侯

曲沃武公遂并晉國僖王因就命為晉侯小國故一軍○初晉武公伐夷執夷詭諸夷詭諸周大夫夷采地名○詭九委反為國請而免之為國周大夫○為于

委既而弗報詭諸不報故子國作亂謂晉人曰與我伐夷而取其地使晉取夷地遂以晉師伐夷殺夷詭諸周公忌父出奔虢周公忌父王卿士辟子國之難惠王立而復之魯桓十五年

年經書桓王崩魯莊三年經書葬桓王自此以來周有莊王又有僖王崩葬皆不見於經傳王室微弱不能復自通於諸侯故傳因周公忌父之事而見惠王惠王立在此年之末

經甲辰

僖王五年崩

十有七年春齊人執鄭詹

齊桓始霸鄭既伐宋

又不朝齊詹為鄭執政大臣請齊見執不稱行人罪之也行人例在襄十一年諸執大夫皆稱人以執之

大夫賤故詹之廉反

○夏齊人殲于遂

殲盡也齊人戍遂翫而無備遂人討而盡

殺之故時史因以自盡為文

○秋鄭詹自齊逃來

無傳不能仗節守死

以解國患而遁逃苟免書逃以賤之

○冬多麋

無傳麋多則害五稼故以災書

傳十七年春齊人執鄭詹鄭不朝也○夏遂因氏領

氏工婁氏須遂氏饗齊戍醉而殺之齊人殲馬

饗酒食也

四族遂之強宗齊滅遂戍之在十三年

○領烏納反

經乙巳

惠王元年

十有八年春王三月日有食之

無傳不書日官

失之○夏公追戎于濟西

戎來侵魯公逐之于濟水之西

○秋有貳

短

狐也蓋以含沙射人為灾

○冬十月

傳○附錄○十八年春虢公晉侯朝王王饗醴命之

宥

王之覲群后始則行饗禮先置醴酒示不忘古飲宴則命以幣物宥助也所以助歡敬之意言備設

皆賜王五穀馬三四非禮也

雙王為鼓

王命諸侯名

位不同禮亦異數不以禮假人

侯而與公同賜假借人禮

○號公

晉侯鄭伯使原莊公逆王后于陳陳媯歸于京師

號晉

朝王鄭伯又以齊執其卿故求王為援皆在周倡義為王定昏陳人敬從得同姓宗國之禮故傳詳其事不書實惠后陳為後號惠后寵愛少子亂周室事在不告實惠后僖二十四年故傳于此竝正其後稱

稱尺○夏公追戎于濟西不言其來諱之也戎來侵魯魯人證反○秋有彘為災也○附錄○初楚武不知去乃追之故諱不言其來

王克權使鬬緡尹之權國名南郡當陽縣東南有權城鬬緡楚大夫○緡亡中反以叛圍而殺之緡以權叛遷權於那處那處楚地南那編縣東南

有那口城○那乃多反處昌呂反又昌慮反使閻敖尹之閻敖楚大夫及文王即位與巴人伐申而驚其師驚巴人巴人叛楚而伐那

處取之遂門于楚攻楚城門閻敖游涌而逸涌水在南郡華容縣閻敖

既不能守城又游涌水而走○涌音勇楚子殺之其族為亂冬巴人因之以伐楚

經丙午惠王二年十有九年春王正月○夏四月○秋公

子結媵陳人之婦于鄆遂及齊侯宋公盟無傳公于結魯大夫

公羊穀梁皆以為魯女媵陳侯之婦其稱陳人之婦未入國畧言也大夫出竟有可以安社稷利國家者則專之可也結在鄆聞齊宋有會權事之宜去其本職遂與二君為盟故備書之本非魯公意而又失媵陳之好故○夫人姜氏如莒無傳非父母○冬齊人冬各來伐

宋人陳人伐我西鄙無傳幽之盟魯使微者會鄆之盟又使媵臣行所以受敵鄙邊邑

傳十九年春○附錄○楚子禦之大敗於津禦巴人為巴人

所敗津楚地或曰江陵縣有津鄉還鬻拳弗納遂伐黃
鬻拳楚大閭黃嬴姓國今

弋陽縣○敗黃師于踏陵
踏陵黃地○還及湫有疾

南郡都縣東南有湫城○湫子小反夏六月庚申卒鬻拳葬諸夕室夕室

地亦自殺也而葬于經皇經皇冢前闕生守門故初

鬻拳強諫楚子楚子弗從臨之以兵懼而從之鬻拳

曰吾懼君以兵罪莫大焉遂自刎也楚人以為大閭

謂之大伯若今城門校尉官○使其後掌之使其子

此君子曰鬻拳可謂愛君矣諫以自納於刑刑猶不

忘納君於善言愛君明非臣法也楚○附錄○初王

姚嬖于莊王生子頹王姚莊王之子頹有寵為國為

之師及惠王即位周惠王取為國之圃以為囿圃園

苑也邊伯之宮近於王宮王取之邊伯周王奪子禽祝

跪與詹父田三子周大夫而收膳夫之秩膳夫石速

故為國邊伯石速詹父子禽祝跪作亂因蘇氏蘇氏

夫桓王奪其十二邑以與鄭自此以來遂不和○秋五大夫奉子頹以伐王

石速士也故不在五大夫數不克出奔温温蘇蘇子奉子頹以奔

衛衛師燕師伐周燕南冬立子頹

經丁未惠王二十二年春王二月夫人姜氏如莒無○

夏齊大災無傳來告以大故書天○秋七月○冬齊

人伐戎無傳

傳二十年春○附錄○鄭伯和王室不克克能也執燕

仲父燕仲父南燕伯為伐周故夏鄭伯遂以王歸王處于櫟秋王

反鄭伯入于鄆鄆王所取鄭邑○鄆音鳩遂入成周取其寶器而

還冬王子頹享五大夫樂及徧舞皆舞六代之樂鄭伯聞之

見號叔叔號公字曰寡人聞之哀樂失時殃咎必至今王

子頹歌舞不倦樂禍也夫司寇行戮司寇刑官君為

之不舉去盛而况敢樂禍乎奸王之位禍孰大焉臨

禍忘憂憂必及之蓋納王乎號公曰寡人之願也奸○

音下

經戊申惠王四年二十有一年春王正月○夏五月辛酉

鄭伯突卒十六年與魯大夫盟于幽○秋七月戊戌夫人姜氏薨

無傳薨寢衽姑赴於諸侯故具小君禮書之○冬十有二月葬鄭厲公無傳

八月乃葬

傳二十一年春胥命于弭夏同伐王城鄭號相命也

面爾鄭伯將王自圍門入號叔自北門入殺王子頹及

五大夫鄭伯享王于闕西辟樂備闕象魏也樂備備六代之樂○圍魚

呂反辟王與之武公之畧自虎牢以東略畧也鄭武

王賜之自虎牢以東後失其地故原伯曰鄭伯效尤

其亦將有咎原伯原莊公也言五月鄭厲公卒○附

錄○王巡號守巡守於號國也天子省號公為王宮

于珙珙號地○王與之酒泉酒泉周邑鄭伯之享王也王

以后之鞶鑑予之后王后也鞶帶而以鑑為飾也今

于號公請器王子之爵爵飲酒器鄭伯猶是始惡於王為

二十四年鄭執王使張本○惡鳥路反冬王歸自號傳言王

經已酉惠王五年二十有二年春王正月肆大青無傳赦

易稱赦過宥罪書稱青災肆赦傳稱肆青圍鄭皆放赦罪人盪滌衆故以新其心有時而用之非制所常故書○青○癸丑葬我小君文姜無傳反哭成○陳

人殺其公子御寇宣公大子也陳人惡其殺大子之名故不稱君父以國討公子告○

御音○夏五月○秋七月丙申及齊高侯盟于防無

高侯齊之貴卿而與魯之微者盟齊桓謙接諸侯以崇霸業○冬公如齊納幣無

公不使卿而親納幣非禮也母喪未再期而圖昏二傳不見所譏左氏又無傳失禮明故

傳二十二年春陳人殺其大子御寇傳稱大子陳公

子完與顓孫奔齊公子完顓孫顓孫自齊來奔不書

齊侯使敬仲為卿敬仲陳辭曰羈旅之臣羈寄也幸

春秋左傳集解卷三十一 李五百○五

若獲宥及於寬政宥赦也赦其不閑於教訓而免於罪

戾弛於負擔弛去也君之惠也所獲多矣敢辱高位以

速官謗敢不也請以死告以死自誓詩云翹翹車乘招我以

弓豈不欲往畏我友朋逸詩也翹翹遠貌古者聘士以弓言雖貪顯命懼為朋友

所譏責○使為工正掌百工之官飲桓公酒樂齊桓賢之故就其家

會據主人之辭故言公曰以火繼之辭曰臣卜其晝

未卜其夜不敢君子曰酒以成禮不繼以淫義也飲夜

為淫以君成禮弗納於淫仁也初懿氏卜妻敬仲懿氏

陳大夫龜曰其妻占之曰吉懿氏是謂鳳皇于飛和

鳴鏘鏘雄曰鳳雌曰皇雄雌俱飛相和而鳴鏘鏘有媯

之後將育于姜媯陳姓姜齊姓五世其昌并于正卿八世之

後莫之與京京大也陳厲公蔡出也姊妹之故蔡人殺

五父而立之五父陳佗也殺生敬仲其少也周史有

以周易見陳侯者周大史也○陳侯使筮之筮著曰遇

觀三三坤下巽上之否三三坤下乾上否觀六曰是謂

觀國之光利用賓于王此周易觀卦六四爻辭易之為書六爻皆自變象又有互

體聖人隨其義而論之此其代陳有國乎不在此其在異國非

此其身在其子孫光遠而自他有耀者也坤土也巽

風也乾天也風為天於土上山也

巽變為乾故曰風為天自二至四有

艮象艮為山

有山之材而照之以天光於是乎居士上則

山則

材之所生上有乾下有坤故言居士上照之以天光

故曰觀國之光利用賓于

王

四為諸侯變而之乾有國朝王之象

庭實旅百奉之以玉帛天地之

美具焉故曰利用賓于王

艮為門庭乾為金玉帛諸侯朝王陳贄幣之

象旅陳也百言物備

猶有觀焉故曰其在後乎

因觀文以傳占故言猶有觀非

在巳之言故知在子孫

風行而著于土故曰其在異國乎若在

異國必姜姓也姜大嶽之後也

姜姓之先為堯四嶽○箸直略反

山

嶽則配天物莫能兩大陳衰此其昌乎

變而象艮故知當與於大

嶽之後得大嶽之權則有配天之大功故知陳必衰

及陳之初亡也

昭八年陳楚滅陳

桓子始大於齊

桓子敬仲五世孫陳無宇

其後亡也

哀十七年楚復滅陳

子得政

成子陳常也敬仲八世孫陳完有禮於齊子孫世不忘德德協於卜故傳備言其終始○

卜筮者聖人所以定猶豫決疑似因生義教者也尚書洪範通龜筮以同卿士之數南蒯卜亂而遇元吉

惠伯答以忠信則可臧會卜僭遂獲其應丘明故舉諸繇驗於行事者以示來世而君子志其善者遠者

他皆放此

經庚戌惠王六年二十有三年春公至自齊無傳○祭叔來

聘無傳穀梁以祭叔為祭公來聘魯天子內臣不○

夏公如齊觀社齊因祭社蒐軍○公至自齊無傳○荆

實故公往觀之

五言子宗文

三言子宗文

三言子宗文

人來聘無傳不書荆子使某來聘君臣同辭者蓋楚之始通未成其禮 ○公及齊侯

遇于穀穀音谷 ○蕭叔朝公無傳蕭附庸國叔名就穀朝公故不言來凡在外朝

則禮不得具嘉禮不野合 ○秋丹桓宮楹桓宮廟也楹柱也 ○冬十有一

月曹伯射姑卒無傳未同盟而赴 ○十有二月甲寅

公會齊侯盟于扈無傳扈鄭地在滎陽卷縣西北 ○扈音戶 ○卷音權

傳二十三年夏公如齊觀社非禮也曹劌諫曰不可

夫禮所以整民也故會以訓上下之則制財用之節

貢賦多少 朝以正班爵之義帥長幼之序征伐以討其不

然不然不 諸侯有王從王 王有巡守省四 以大習之

大習會朝之禮 非是君不舉矣君舉必書書於 書而不法後

嗣何觀 ○附錄 ○晉桓莊之族偪桓叔莊伯之子孫強盛偪迫公室

獻公患之士蔿曰去富子則群公子可謀也已士蔿晉大夫富子二族之富強者

○蔿于委反去起呂反 公曰爾試其事士蔿與群公

子謀諸富子而去之以罪狀誣之同族惡其富強故士蔿得因而聞之用其所親為

諸則似信離其骨肉則黨弱群公子終所以見滅 ○惡鳥路反 ○秋丹桓宮之楹

經辛亥惠王七年 二十有四年春王三月刻桓宮楹刻鏤也差

椽也將逆夫 ○葬曹莊公無傳 ○夏公如齊逆女無傳

禮 ○秋公至自齊無傳 ○八月丁丑夫人姜氏入哀姜也

羊傳以為姜氏要公不與公俱入蓋以孟任故丁○
丑八而明日乃朝廟○(要於遙反(任音壬後同

戊寅大夫宗婦覲用幣宗婦同姓大夫之婦禮小君至大夫執贄以見明臣子之

道莊公欲奢夸夫人故○大水傳無○冬我侵曹曹羈

出奔陳無傳羈蓋曹世子也先君既葬而不赤歸于

曹無傳赤曹僖公也蓋○郭公無傳蓋經闕誤也自

之說既不了又不可通曹為戎所納故曰歸

傳二十四年春刻其桷皆非禮也并非非桷御孫諫

曰臣聞之儉德之共也侈惡之大也御孫魯先君有

共德而君納諸大惡無乃不可乎以不月櫨○秋哀

姜至公使宗婦覲用幣非禮也傳不言大夫御孫曰

男贄大者玉帛公侯伯子男執玉諸侯小者禽鳥卿

以章物也羔大夫執鴈士執雉以章物也章所執之女贄不過榛栗棗脩

以告虔也榛小栗脩脯虔敬也皆取其名以示今男

女同贄是無別也男女之別國之大節也而由夫人

亂之無乃不可乎○附錄○晉士蔿又與群公子謀

使殺游氏之二子游氏二子亦士蔿告晉侯曰可矣

不過二年君必無患

經壬子惠王二十有五年春陳侯使女叔來聘女叔

八年陳卿

女氏叔字女音汝 ○夏五月癸丑衛侯朔卒無傳惠公也書名十六年與內

大夫盟于幽 ○六月辛未朔日有食之鼓用牲于社鼓伐

用牲以祭社傳伯姬歸于杞 無傳不書逆 女逆者微 ○秋大

水鼓用牲于社于門門國門也傳例 日亦非常也 ○冬公子友如

陳無傳報女叔之聘諸魯出朝聘皆書如不果彼國必成其禮故不稱朝聘春秋之常也公子友莊公

之母弟稱公子者史策之通言母弟至親異於他臣其相殺害則稱弟以示義至於嘉好之事兄弟篤睦

非例所興或稱弟或稱公子仍舊史之文也母弟例在宣十七年

傳二十五年春陳女叔來聘始結陳好也嘉之故不

名季友相魯原仲相陳二人有舊故女叔來聘季友冬亦報聘嘉好接備卿以字為嘉則稱名其常也

○夏六月辛未朔日有食之鼓用牲於社非常也非

鼓之月長歷推之辛未實七月朔置閏失所故致月錯唯正月之朔慝未作

夏之四月周之六月謂正陽之月今書六月而傳云唯者明此月非正陽月也慝陰氣 ○正音政慝他得

反於正陽之月則諸侯用幣于社請救于上公伐鼓於朝退而自責以明陰不宜侵陽臣不宜掩君以示大

義 ○秋大水鼓用牲于社于門亦非常也失常 凡天

災有幣無牲天災日月食大水也 祈請而已不用牲也 非日月之青不鼓

青猶災也月侵日為青陰陽逆順之事賢聖所重故特鼓之 ○青所景反 ○附錄 ○晉士

為使群公子盡殺游氏之族乃城聚而處之聚晉 冬

水三傳集解 卷之三 三三 毛有倫 四百七十三

晉侯圍聚盡殺群公子卒如士

經癸丑惠王九年二十有六年春公伐戎無傳○夏公至自

伐戎無傳○曹殺其大夫無傳不稱名非其罪例在文七年○秋公會

宋人齊人伐徐無傳宋序齊上主兵○冬十有二月癸亥朔日

有食之無傳

傳○附錄○二十六年春晉士蔿為大司空大司空卿官

夏士蔿城絳以深其宮絳晉所都也今平陽絳邑縣○秋虢人侵

晉○冬虢人又侵晉為傳明年晉將伐虢張本此年經傳各自言其事者或經是直

文或策書雖存而簡牘散落不究其本末故傳不復申解但言傳事而已

經甲寅惠王十年二十有七年春公會杞伯姬于洮伯姬莊公

女洮魯地○洮他刀反○夏六月公會齊侯宋公陳侯鄭伯同

盟于幽○秋公子友如陳葬原仲原仲陳大夫原氏仲字也禮臣既卒

不名故稱字季友遠禮會外大夫葬具見其事亦所以知譏○見賢適反○冬杞伯姬來

傳例曰歸寧○莒慶來逆叔姬無傳慶莒大夫叔姬莊公女卿自為逆則稱字例在

宣五年○杞伯來朝無傳杞稱伯者蓋為時王所黜○公會齊侯于城

濮無傳城濮衛地將討衛也

傳二十七年春公會杞伯姬于洮非事也非諸侯之事天

子非展義不巡守天子巡守所諸侯非民事不舉卿

非君命不越竟音竟 ○夏同盟于幽陳鄭服也二年

陳亂而齊納敬仲二十五年鄭文公之四年獲成於楚皆有二心於齊今始服也 ○秋公子

友如陳葬原仲非禮也原仲季友之舊也 ○冬杞伯

姬來歸寧也寧問父母安否 凡諸侯之女歸寧曰來出曰來

歸歸不反 夫人歸寧曰如某出曰歸于某 ○附錄 ○

晉侯將伐虢士蔿曰不可虢公驕若驟得勝於我必

弃其民弃民不養之 無衆而後伐之欲禦我誰與夫禮樂

慈愛戰所畜也夫民讓事樂和愛親哀喪而後可用

也上之使民以義讓哀樂為本言 號弗畜也亟戰將

力戰 ○亟欺冀反 王使召伯廖賜齊侯命召伯廖王

饑言號不畜義讓而 ○王使召伯廖賜齊侯命召伯廖王

卿上賜命為侯伯 ○且請伐衛以其立子頹也立子頹在

召音邵廖力彫反 十九年

經乙卯惠王十一年 二十有八年春王三月甲寅齊人伐

衛衛人及齊人戰衛人敗績齊侯稱人者諱取賂而

失 ○夏四月丁未邾子瑣卒無傳未同盟 ○秋荆伐

鄭公會齊人宋人救鄭 ○冬築郟郟魯下邑傳例曰

反 ○大無麥禾書於冬者五穀畢入 臧孫辰告糴於

齊臧孫辰魯大夫臧文仲

春秋左傳卷之三十一 宣公八年 四百五十一

傳二十八年春齊侯伐衛戰敗衛師數之以王命取

賂而還○附錄○晉獻公娶于賈無子賈姬姓國也烝於

齊姜齊姜武公姜生秦穆夫人及太子申生又娶二女於

戎大戎狐姬生重耳大戎唐叔子孫別在戎狄者○重直龍反小戎子生

夷吾小戎允姓之戎子女也晉伐驪戎驪戎男女以驪姬驪戎在京

兆所豐縣其君姬姓其爵男也納女於人曰女○女昵據反歸生奚齊其姊生卓

子驪姬嬖欲立其子賂外嬖梁五與東關嬖五姓梁名五皆大夫為獻公所嬖幸視聽外事使言於公

曰曲沃君之宗也曲沃桓叔所封先君宗廟所在蒲與二屈君之疆

也蒲今平陽蒲子縣二屈今平陽比屈縣或云二當為比○屈求勿反不可以無主宗

邑無主則民不威疆場無主則啓戎心戎之生心民

慢其政國之患也若使太子主曲沃而重耳夷吾主

蒲與屈則可以威民而懼戎且旌君伐旌章也伐功也使俱

曰狄之廣莫於晉為都晉之啓土不亦宜乎廣莫狄地之曠

絕也即謂蒲子北屈也言遣二公子出都之則晉方當大開土界獻公未決故復使二五俱說此美晉

侯說之夏使太子居曲沃重耳居蒲城夷吾居屈群

公子皆鄙鄙邊邑說音悅○唯二姬之子在絳二五卒與驪

姬諧群公子而立奚齊晉人謂之二五耦二招相耦廣一尺共

起一伐言二人俱共墾傷晉室若此○證責鳩反(音似)廣古曠反○楚令尹子元欲

蠱文夫人文王夫人息媯也子元為館於其宮側而

振萬馬振動也夫人聞之泣曰先君以是舞也習戎

備也今令尹不尋諸仇讎而於未亡人之側不亦異

乎尋用也婦人既御人以告子元御人夫人子元曰

婦人不忘襲讎我反忘之秋子元以車六百乘伐鄭

入于桔柣之門桔柣鄭遠郊之門也○(乘)繩子元闞

御疆鬪梧耿之不比為旆子元自與三子特建旆以

旆曰旆○(御)魚呂反鬪班王孫游王孫喜殿三子在

疆其良反(比)并里反諸侯救鄭楚師夜遁

鄭人將奔桐丘許昌縣東北謀告曰楚幕有鳥乃止

謀間也○冬饑臧孫辰告糴于齊禮也經書大無麥

又先書饑在築郟上者說始糴經○築郟非都也凡

邑有宗廟先君之主曰都無曰邑邑曰築都曰城周

四縣為都四井為邑然宗廟所在則雖

邑曰都尊之也言凡邑則他築非例

經丙辰惠王十二十有九年春新延廡傳例曰書不

時言新者皆

春秋左傳集解卷之三

舊物不可用更造之辭○虜居又反○夏鄭人侵許傳例曰無○秋有

蜚傳例曰為灾○冬十有二月紀叔姬卒無傳紀國

執節守義故繫○城諸及防諸防皆魯邑傳例曰書

之紀賢而錄之傳皆重云時以釋之他皆放此諸今城陽諸縣

傳二十九年春新作延廡書不時也經無作凡馬日

中而出日中而入日中春秋分也治廡當以秋分因

時○許亮反○夏鄭人侵許凡師有鍾鼓曰伐聲其無曰

侵鍾鼓輕曰襲掩其不備○秋有蜚為災也凡物

不為災不書○冬十二月城諸及防書時也凡土功

龍見而畢務戒事也謂今九月周十一月龍星角亢

功事○見賢遍反火見而致用大大心星次角亢水

昏正而栽謂今十月月定星昏而中於是對板幹而興

反日南至微陽始○附錄○樊皮叛王樊

周大夫樊其采地皮名○經丁巳惠王十三年三十年春王正月○夏次于成無傳

師少故直言次齊將降鄆故設備○將子匠反降戶江反○秋七月齊人降鄆無

鄆紀附庸國東于無鹽縣東北有鄆城小國○八月

孤危不能自固蓋齊遙以兵威脅時降附○九月庚午朔日

癸亥葬紀叔姬無傳以賢錄也無○九月庚午朔日

有食之鼓用牲于社無傳○冬公及齊侯遇于魯濟水

歷齊魯界在齊界為齊濟在魯界為魯濟蓋魯地○濟子禮反○齊人伐山戎山戎北狄

傳○附錄○三十年春王命虢公討樊皮夏四月丙

辰虢公入樊執樊仲皮歸于京師○楚公子元歸自

伐鄭而處王宮欲遂盡文夫人○關射師諫則執而桔之射師關廡

也足曰桎手曰桔○射音亦桔古毒反○秋申公關班殺子元申楚縣楚僭號

縣尹皆稱公○關穀於菟為令尹自毀其家以紓楚國之難

關穀於菟令尹子文也毀滅紓緩也○穀奴走反○楚人謂乳曰穀於音烏菟音徒紓音舒難乃旦反○

冬遇于魯濟謀山戎也以其病燕故也齊桓行霸故欲為燕謀難

燕國今薊縣○薊音計

經戊午惠王十四年三十有一年春築臺于郎無傳判奢且非土功

之○夏四月薛伯卒無傳未同盟○築臺于薛無傳薛魯地

六月齊侯來獻戎捷傳例曰諸侯不相遺俘捷獲也獻奉上之辭齊侯以獻捷禮來

故書以○秋築臺于秦無傳東平莒縣西北有秦亭○冬不雨無傳

不書旱不為災例在僖三年

傳三十一年夏六月齊侯來獻戎捷非禮也凡諸侯

有四夷之功則獻于王王以警于夷以警懼中國則

否諸侯不相遺俘雖夷狄俘猶不以相遺

經已未惠王十五年三十有二年春城小穀小穀齊邑濟北穀城縣城

中有管仲并大都以名通者則不繫國○夏宋公齊侯遇于梁丘齊善宋之

請見故進其班梁丘在焉平昌邑縣西南○秋七月癸巳公子牙卒牙慶父同

母弟僖叔也飲醕而死不以罪告故得書卒○八月

癸亥公薨于路寢路寢正寢也公薨皆書其所詳凶變○冬十月已未

子般卒子般莊公太子先君未葬故不稱爵不書殺諱之也○公子慶父

如齊無傳慶父既殺子般季友出奔國人不與故懼而適齊欲以求援時無君假赴告之禮而行

○狄伐邢無傳邢國在廣平襄國縣

傳三十二年春城小穀為管仲也公感齊桓之德故為管仲城私邑

為去聲○齊侯為楚伐鄭之故請會于諸侯楚伐鄭在二十八年

謀為鄭報楚宋公請先見于齊侯夏遇于梁丘見音現又如字

○附錄○秋七月有神降于莘有神聲以接人莘號地○莘所中反惠

王問楮內史過曰是何故也內史過周大夫○過古禾反對曰國

之將興明神降之監其德也將亡神又降之觀其惡

也故有得神以興亦有以亡虞夏商周皆有之亦有神異

王曰若之何對曰以其物享焉其至之日亦其物也

享祭也若以甲乙日至祭先脾王從之內史過往聞

號請命賜土田之命反曰號必亡矣虐而聽於神

春大傳集卷三

神居莘六月號公使祝應宗區史噐享焉神賜之士

田祝大祝宗宗人史大史應區噐皆名○區音驅噐五巾反史噐曰號其亡乎吾

聞之國將興聽於民政順民心將亡聽於神求福於神神聰明

正直而壹者也依人而行唯德是與號多涼德其何土之

能得涼薄也為僖二○初公築臺臨黨氏黨氏魯大夫築臺不

書不告廟見孟任從之闕孟任黨氏女闕不而以夫

人言許之許以為割臂盟公生子般焉雩講于梁氏

女公子觀之雩祭天也講肆也梁氏魯大夫女公子般妹○肆音四圉人犖自

牆外與之戲圉人掌養馬者以慢子般怒使鞭之公

曰不如殺之是不可鞭犖有力焉能投盖于稷門盖覆

也稷門魯南城門走而自公疾問後於叔牙對曰慶

父材盖欲進其問於季友對曰臣以死奉般季友莊公母弟

故欲公曰鄉者牙曰慶父材成季使以君命命僖叔

待于鍼巫氏成季季友也鍼巫氏魯大夫使鍼季醜之

醜鳥名其羽有毒曰飲此則有後於魯國不然死且

無後飲之歸及達泉而卒立叔孫氏達泉魯地不以

世其○八月癸亥公薨于路寢子般即位次于黨氏

即喪位○冬十月己未共仲使圉人犖賊子般于黨

次舍也

春秋左氏傳集解卷三
氏共仲慶父成季奔陳出奔不書國立閔公閔公莊公庶子
於共音恭是年亂史失之
八歲

春秋左氏經傳集解卷三終

春秋左氏經傳集解卷四

閔公名啓方莊公之子母叔姜史記云名開謚法在國遭難曰閔起庚申盡辛酉共二年

周詳見隱公元年

鄭詳見隱公元年

齊管仲為政

宋詳見隱公元年

晉獻公十六年是年晉作二軍

衛魯閔公二年狄滅衛宋桓公立衛戴公以盧于漕戴公名申立其年卒而立文公

蔡詳見隱公元年

曹詳見隱公元年

滕詳見隱公元年

陳詳見隱公元年

杞詳見隱公元年及僖公元年

薛魯莊公三十一年薛伯卒

莒詳見隱公元年

邾文公五年

許穆公三十七年

小邾見莊公元年

楚令尹子文為政

秦詳見隱公元年

吳詳見隱公元年

越詳見隱公元年

經庚申惠王十六年元年春王正月齊人救邢○夏六月

辛酉葬我君莊公○秋八月公及齊侯盟于落姑落姑

齊地季子來歸季子公子友之字季子忠於社稷為國人所思故賢而字之齊侯許納故曰歸

○冬齊仲孫來仲孫齊大夫以事出疆因來省難非齊侯命故不稱使也還使齊侯務寧

春秋左傳集解卷之四十八 孫世傑四百二十八

魯亂故嘉而字之來者事實省難其志也

故經但書仲孫之來而傳尋仲孫之志

傳元年春不書即位亂故也國亂不狄入伐邢狄

邢在往管敬仲言於齊侯曰戎狄豺狼不可厭也敬

年冬管夷吾○諸夏親暱不可弃也諸夏中國宴安酖毒

厭一監反不可懷也以宴安比詩云豈不懷歸畏此簡書詩小

文王為西位勞簡書同惡相恤之謂也同恤請救邢

來諸侯之詩以從簡書齊人救邢○夏六月葬莊公亂故是以緩

十一月○秋八月公及齊侯盟于落落姑請復季友也

乃葬閔公初立國家多難以季齊侯許之使召諸陳公次

于郎以待之非師旅之事季子來歸嘉之也○冬齊

仲孫湫來省難秋仲孫名書曰仲孫亦嘉之也仲

孫歸曰不去慶父魯難未已特慶父亦還魯公曰

若之何而去之對曰難不已將自斃斃踣君其待之

公曰魯可取乎對曰不可猶秉周禮周禮所以本也

臣聞之國將亡本必先顛而後枝葉從之魯不弃周

禮未可動也君其務寧魯難而親之親有禮因重固

能重能固則閒攜貳離而相疑者則覆昏亂覆敗霸

王之噐也霸王所用故以噐○附錄○晉侯作二軍

晉本一軍見 莊十六年 公將上軍大子申生將下軍趙夙御戎

畢萬為右 為公御右也夙趙衰兄畢萬魏 以滅耿滅

霍滅魏 平陽皮氏縣東南有耿鄉永安縣東北有霍大山三國皆姬姓 還為太子城

曲沃賜趙夙耿賜畢萬魏以為大夫士蔿曰大子不

得立矣分之都城而位以卿先為之極又焉得立 位

卿謂將 不如逃之無使罪至為吳大伯不亦可乎 伯大

周太王之適子知其父欲 立季歷故讓位而適吳 猶有令名與其及也 言雖 有令名勝於 留而及禍 且諺曰心苟無瑕何恤乎無家天若祚

大子其無晉乎 為晉殺 卜偃曰畢萬之後必大 卜偃 申生傳

卜大 萬盈數也魏大名也 以是始賞天啓之矣天子

曰兆民諸侯曰萬民今名之大以從盈數其必有眾

以魏從萬 有眾象 初畢萬筮仕於晉遇屯 三三 震下坎 上屯 之比

三三 坤下坎上比屯 辛廖占之曰吉 辛廖晉大夫 廖力彫反 屯

固比入吉孰大焉其必蕃昌 屯險難所以為堅固 比親密所以得入 震

為土 震變 坤為車 車從馬 震為車 坤為馬 足居之 震為 兄長之 震為 長男

上聲 母覆之 坤為 眾歸之 坤為 六體不易 初一爻變 有此六義

不可 合而能固安而能殺公侯之卦也 比合危固坤 安震殺故曰

公侯 公侯之子孫必復其始 畢萬公高之後傳為 魏之子孫眾多張本

之卦 公侯之子孫必復其始 畢萬公高之後傳為 魏之子孫眾多張本

經辛酉惠王十七年二年春王正月齊人遷陽無傳陽國名蓋齊人

偏從○夏五月乙酉吉禘于莊公三年喪畢致新死者之主于廟廟之

遠主當遷入桃因是大祭以審昭穆謂之禘莊公喪制未闕時別立廟廟成而吉祭又不於大廟故詳書

以示譏○秋八月辛丑公薨實弒書薨又不地者皆史策諱之○九

月夫人姜氏孫于邾哀姜外淫故孫稱○公子慶父

出奔莒弒閔公故○冬齊高子來盟無傳蓋高後也齊侯使來平魯亂僖公新

立因遂結盟故不稱使人魯人貴之故○十有二月

狄入衛書入不能有其地○鄭弃其師高克見惡久不得還師潰

而克奔陳故克狀其事以告魯也

傳○附錄○二年春虢公敗犬戎于渭汭犬戎西戎者渭水出隴西東入河水之隈

曲曰汭○汭如銳反隈鳥回反舟之僑曰無德而祿

殃也殃將至矣遂奔晉舟之僑○夏吉禘于莊公速

也○初公傅奪卜卜齋魯大夫也公即位年八歲知愛其傅

而遂成其意以奪齋田齋忿其傅秋八月辛丑共仲

使卜齋賊公于武闈宮中小門謂之○成季以僖公

適邾僖公閔公庶兄成風之子共仲奔莒乃入立之以賂求共仲

于莒莒人歸之及密使公子魚請密魯地瑯琊費縣北有密如亭公子

魚後不許哭而往共仲曰奚斯之聲也乃縊慶父之罪雖重

季子推親親之恩欲同之叔牙存子孟
氏之族故畧其罪不書殺又不書卒
閔公哀姜之姊

叔姜之子也故齊人立之共仲通於哀姜哀姜欲立

之閔公之死也哀姜與知之故孫于邾齊人取而殺

之于夷以其尸歸為僖元年齊人殺哀姜傳僖公請

而葬之哀姜之罪已重而僖公請其喪還者外欲固

計○附錄○成季之將生也桓公使卜楚丘之父卜

之卜楚丘魯曰男也其名曰友在公之右在右言間

于兩社為公室輔兩社周社亳社兩社季氏亡則魯

不昌又筮之遇大有三三乾下離之乾三三乾下乾

有六五變而為乾曰同復于父敬如君所筮者之辭也乾為

見敬與君同及生有文在其手曰友遂以命之遂以

○冬十二月狄人伐衛衛懿公好鶴鶴有乘軒者軒

夫車○將戰國人受甲者皆曰使鶴鶴實有祿位余

馬能戰公與石祁子玦與甯莊子矢使守莊子甯速

○玦古曰以此贊國擇利而為之贊助也玦示以當

與夫人繡衣曰聽於二子取其文渠孔御戎子伯為

右黃夷前驅孔嬰齊殿傳言衛侯失民有素雖臨事

及狄人戰于熒澤衛師敗績遂滅衛此熒澤當在河

四百七十五張仁

不書滅者狄不能赴衛之君臣皆盡無復文告齊桓為之告諸侯言狄已去言衛之存故但以入為文○

禮孔以逐衛人二人曰我大史也實掌其祭不先國

不可得也夷狄畏鬼故恐言當先白乃先之至則告

守曰不可待也守石甯夜與國人出狄入衛遂從之

又敗諸河衛將東走渡河初惠公之即位也少蓋年十五

六齊人使昭伯烝於宣姜不可強之昭伯惠公庶兄

伯不可生齊子戴公文公宋桓夫人許穆夫人文公為

衛之多患也先適齊及敗宋桓公逆諸河迎衛宵濟

夜渡畏狄衛之遺民男女七百有三十人益之以共滕之

民為五千人共及滕衛別立戴公以廬于曹廬舍也

許穆夫人賦載馳載馳詩衛風也

許穆夫人賦載馳許穆夫人痛衛

齊侯使公子無虧帥車三百乘甲

士三千人以戌曹無虧齊桓公子武孟也車甲歸公

乘馬祭服五稱牛羊豕雞狗皆三百與門材歸遺也

重錦三十兩重錦錦之熟細者以二丈隻鄭人惡

高克使帥師次于河上久而弗召師潰而歸高克奔

春秋左傳集解卷四

陳高克鄭大夫也好利而不顧其君文鄭人爲之賦

清人清人詩鄭風也刺文公退○附錄○晉侯使大

子申生伐東山臯落氏赤狄別種也里克諫曰太子

奉冢祀社稷之粢盛里克晉大夫冢大也以朝夕視君膳者也

膳膳厨故曰冢子君行則守有守則從從曰撫軍守曰

監國古之制也夫帥師專行謀帥師者必專謀軍事

誓軍旅宣號君與國政之所圖也非太子之事也國

卿正師在制命而已命將軍所制稟命則不威專命則不孝

故君之嗣適不可以帥師君失其官帥師不威將焉

用之太子統帥是失其官也專命且臣聞臯落氏將

戰君其舍之公曰寡人有子未知其誰立焉不對而

退見太子太子曰吾其廢乎對曰告之以臨民謂居

教之以軍旅謂將不共是懼何故廢乎且子懼不孝

無懼弗得立脩已而不責人則免於難太子帥師公

衣之偏衣偏衣左右異色其半似公服○偏於既佩

之金玦以金狐突御戎先友爲右狐突伯行重耳外

申生以大軍梁餘子養御宰夷先丹木爲右宰夷晉下

餘子養爲羊舌大夫爲尉羊舌大夫叔向祖父也先

宰夷御

友曰衣身之儻也偏半握兵之要謂佩金玦在此行也

于其勉之偏躬無慝分身衣之半非惡意也兵要遠災威權在已可以

遠害○(遠)親以無災又何患焉狐突歎曰時事之徵

也歎以先友為衣身之章也章貴佩衷之旗也旗表也所

以表明其中故敬其事則命以始賞以春夏服其身則衣

之純必以純色為服用其衷則佩之度衷中也佩王者今命

以時卒閱其事也冬十二月衣之尤服遠其躬也尤雜

色佩以金玦棄其衷也服以遠之時以閱之尤涼

冬殺金寒玦離胡可恃也寒涼殺離言無溫潤雖欲

勉之狄可盡乎梁餘子養曰帥師者受命於廟受脈

於社脈宜社之內盛以有常服矣不獲而尤命可知

也韋弁服軍之死而不孝不如逃之罕夷曰尤奇無

常雜色奇恠金玦不復雖復何為君有心矣有害大

先丹木曰是服也狂夫阻之阻疑也言雖狂曰盡敵

而反曰公辭○敵可盡乎雖盡敵猶有內讒不如違

之違去狐突欲行行亦羊舌大夫曰不可違命不孝

棄事不忠雖知其寒惡不可取子其死之寒薄太子

將戰狐突諫曰不可昔辛伯諗周桓公諗告也事在

桓十八年○

諗音審設文云深謀云內寵並后外寵二政嬖子配適大都耦

國亂之本也周公弗從故及於難今亂本成矣驪姬為內

寵二五為外寵奚齊為嬖子曲沃為大都故曰亂本成矣立可必乎孝而安民子

其圖之奉身為孝不戰為安民與其危身以速罪也有功益見害故言孰

與危身以召罪○成風聞成季之繇乃事之成風莊公之妾僖公之母也繇

卦光之占辭而屬僖公焉故成季立之○僖之元年

齊桓公遷邢于夷儀二年封衛於楚丘邢遷如歸衛

國忘亡忘其滅亡之困○衛文公大布之衣大帛之冠大布鹿布

大帛厚繒蓋用諸侯諒闇之服○繇音良又音亮務材訓農通商惠工加惠於百

工賞其利器用敬教勸學授方任能方百事之宜也元年革車三十

乘季年乃三百乘衛文公以此年冬立齊桓公始平魯亂故傳因言齊之所以霸衛之

所由興革車兵車季年在僖二十五年蓋招懷進散故能致十倍之衆○乘繩證反進擊諍反

春秋左氏經傳集解卷四終

春秋左氏經傳集解卷之五

僖公

名申莊公之子閔公庶兄母成風夫人聲姜諡法小心畏忌曰僖起壬戌盡甲午共

三十三

周

魯僖公八年惠王崩子襄王立

鄭

魯僖公三十二年文公卒子穆公驪立

齊

魯僖公十七年桓公卒寺人貂作亂立無虧僖十八年殺無虧孝公昭立僖二十七年孝公卒弟昭

公潘立

宋

魯僖公九年桓公卒子襄公茲父立僖十九年盟于曹南宋襄公圖霸僖二十一年為鹿上之盟以求諸侯於楚僖二十二年及楚戰敗于泓二十三年襄公卒子成公王臣立

宋

求諸侯於楚僖二十二年及楚戰敗于泓二十三年襄公卒子成公王臣立

晉 魯僖公九年歲公卒子奚齊立冬殺奚齊卓子立僖十年弑卓子惠公夷吾立僖二十三年惠公卒

懷公圍立僖二十四年殺懷公文公重耳立僖二十八

年使先軫將中軍敗楚人于城濮合諸侯于踐土晉文公主霸魯僖公三十二年文公卒子襄

公驩立僖三十三年敗秦于殺晉襄公繼霸是年敗狄于箕先軫卒

衛 魯僖公二十五年文公卒子成公立僖二十八年成公奔楚衛元咺奉叔武以受盟于踐土衛成復

歸殺叔武晉人執衛侯衛元咺立公于殺僖三十年殺瑕衛成公歸衛

蔡 魯僖公十四年穆公卒于莊公甲午立

曹 魯僖公七年昭公卒子共公襄立僖二十八年晉文公執曹伯界宋人是年曹伯歸曹

滕 詳見隱公元年魯僖公十九年宋執滕宣公

陳 魯僖公十二年宣公卒子穆公欵立僖二十八年穆公卒子共公朔立

杞 杜氏年表武公十二年入春秋至僖公二十二年始載杞成公卒弟桓公姑容立而攷之史記自武

公靖公共公德公至桓公姑容立共九十六年而無成公一代世本譙周索隱徐廣所說又云惠公

生成公桓公各有互異又如春秋所書隱公四年伐杞桓二年來朝三年會杞莊二十五年伯姬歸

杞傳並不載何公今但當以左傳所載桓公及杜氏年表為正

薛 魯莊公三十一年載薛伯卒

莒 詳見隱公元年魯僖公二十六年傳見莒茲平公

邾 文公七年

許 魯僖公四年穆公卒于師僖公業立

小邾 魯莊公五年書邾黎來至魯僖公七年始書小邾子始爵命也自邾黎來為小邾子天下無未

命諸侯矣

楚 魯僖公元年始書楚僖四年齊桓公服楚召陵僖二十二年楚敗宋于泓皆子文為令尹時也僖二十三年子文使子玉為令尹

僖二十八年晉敗楚于城濮

秦 魯僖公十五年戰韓始見經僖二十四年納晉文公僖三十三年晉襄公敗秦于殽遂成七十二年

二年兵手之始

吳 詳見隱公元年

越 詳見隱公元年

經 壬戌 惠王十年 元年 ○ 春王正月 ○ 齊師宋師曹伯

次于聶北救邢 齊師諸侯之師救邢次于聶北者案兵觀釁以待事也次列在莊三年聶

北邢地。○夏六月邢遷于夷儀 邢遷如歸故以自

聶大輒反 齊師宋師曹師城邢 傳例曰救患分災禮也一亭而

故 ○ 秋七月戊辰夫人姜氏薨于夷齊人以歸 傳在

年不言齊人殺諱之 ○ 楚人伐鄭 荆始改 ○ 八月公

會齊侯宋公鄭伯曹伯邾人于榿 榿宋地陳國陳縣西北有榿城公及

其會而不書盟還不 ○ 九月公敗邾師于偃 偃邾地

冬十月壬午公子友帥師敗莒師于鄆獲莒挈 鄆魯地挈

莒子之弟不書弟者非卿非卿則不應書嘉季友之功故特書其所獲大夫生死皆曰獲獲例在昭二十

三年○力知友○十有二月丁巳夫人氏之喪

女居友又女加友既殺哀姜以其尸歸絕之于魯僖公請其喪

而還不書姜闕文

傳元年春不稱即位公出故也國亂身出復入故公

出復人不書諱之也諱國惡禮也掩惡揚善義存君

當時臣子率意而隱故無深淺常準聖賢從之以通人理有時而聽之可也○諸侯救邢

實大夫而曰諸侯總衆國之辭邢人潰出奔師奔尋北之師也邢師

遂逐狄人具邢器用而遷之師無私焉皆撰具還之

夏邢遷于夷儀○諸侯城之救患也凡侯伯救患分

災討罪禮也侯伯州長也分穀帛○秋楚人伐鄭鄭

即齊故也盟于犖謀救鄭也犖即櫓也地有○九月

公敗邾師于偃虛丘之戍將歸者也虎丘邾地邾人

人殺之因戍虛丘欲以侵魯公以義求師齊送姜氏

之喪邾人懼乃歸故公要而敗之○虛起居反要於

友遙○冬莒人來求賂求還慶公子友敗諸鄆獲莒子

之弟挈非卿也嘉獲之也莒既不能為魯討慶父受

厭故嘉季友之獲而書之○重直用反公賜季友汶陽之田及費汶陽

水北地汶水出泰山萊蕪縣西入齊○費音祕○夫人氏之喪至自齊君子

以齊人之殺哀姜也為已甚美女子從人者也言女子有

三從之義在夫家有罪非父母家所宜討也

經癸亥惠王十九年二年春王正月城楚丘楚丘衛邑不言城衛衛未

遷 ○夏五月辛巳葬我小君哀姜無傳反哭成喪故稱小君例在定十

五年 ○虞師晉師滅下陽下陽號邑在河東大陽縣晉於此始赴見經滅例在襄十

三年 ○(大音) ○秋九月齊侯宋公江人黃人盟于貫貫宋地梁國蒙縣西北有貫城貫與貫字相似江國在汝南安陽縣

月不雨傳在三年 ○楚人侵鄭

傳二年春諸侯城楚丘而封衛焉君死國滅故傳言卦不書所

會後也諸侯既罷而魯後至諱不及期故以獨城為文 ○晉荀息請以屈產

之乘與垂棘之璧假道于虞以伐虢荀息荀叔也屈地牛良馬垂棘出美玉故以為名四馬曰乘自晉適虢途出於虞故借道 ○屈求勿反又居勿反乘繩證反 公曰

是吾寶也對曰若得道于虞猶外府也公曰宮之奇

存焉宮之奇對曰宮之奇之為人也懦而不能強諫

又乃貨反強其良反且少長於君君暱之雖諫將不

聽親而狎之必輕其言 ○(少去聲) 乃使荀息假道于虞曰冀為不道

入自顛軫伐鄭三門前是冀伐虞至鄭鄭虞邑河東大陽縣東北有顛軫坂 ○軫音

零坂音反冀之既病則亦唯君故言虞報伐冀使病將欲假道故稱虞疆以說其

今號為不道保於逆旅逆旅客舍也號稍遣

氏縣東北有冀亭

人分依客舍以聚眾抄晉邊邑以侵敝邑之南鄙敢

請假道以請罪于虢問虢伐已虞公許之且請先伐

虢喜于厚賂而欲求媚宮之奇諫不聽遂起師夏晉里克荀息

帥師會虞師伐虢滅下陽晉猶主兵不信虞先書虞賄故也

虞非倡兵之首而先書之惡貪賄也○秋盟于貫服江黃也江黃楚與國也始來

服齊故為附錄齊寺人貂始漏師于多魚寺人內奄官豎貂也

多魚地名關齊桓多嬖寵內則如夫人者六人外則幸豎貂易牙之等終以此亂國傳言貂于此始擅貴

寵漏洩桓公軍事為齊亂○虢公敗戎于桑田桑田張本○寺如字又音侍

在弘農陝晉卜偃曰虢必亡矣亡下陽不懼而又有

功是天奪之鑿鑿所以自照而益其疾也驕則生疾必易晉而

不撫其民矣不可以五稔稔熟也為下五年晉滅虢張本○易去聲○冬

楚人伐鄭鬪章囚鄭聃伯經書侵傳言伐本以伐興權行侵掠為後年楚伐鄭

鄭伯欲成張本

經甲子惠王二十年三年春王正月不雨夏四月不雨時一

不雨則書首月傳例○徐人取舒無傳徐國在下邳

廬江舒縣勝國而不用大○六月雨示旱不竟夏○秋齊

侯宋公江人黃人會于陽穀陽穀齊地在東平瀆昌縣北○冬公

子友如齊涖盟涖臨也音利○楚人伐鄭

春秋左傳集解卷之五 孫 四百五十一

傳三年春不雨夏六月雨自十月不雨至于五月不

曰旱不為災也周六月夏四月於播種五穀無損○秋會于陽穀謀

伐楚也二年楚○齊侯為陽穀之會來尋盟冬公子

友如齊涖盟公時不會陽穀故齊侯自陽穀遣人詣魯求尋盟魯遣上卿詣齊受盟謙也

○楚人伐鄭鄭伯欲成孔叔曰不可齊方勤我孔叔鄭大

夫勤恤鄭難棄德不祥祥善附錄齊侯與蔡姬乘舟于囿

蕩公蔡姬齊侯夫人蕩搖也公懼變色禁之不可公

怒歸之未絕之也蔡人嫁之為明年齊

經乙丑惠王二十一年四年春王正月公會齊侯宋公陳侯

衛侯鄭伯許男曹伯侵蔡蔡潰民逃其上曰潰遂伐

楚次于陘遂兩事之辭楚強齊欲緩之以德故不速進而次陘陘楚地潁川召陵縣南有陘亭

○夏許男新臣卒未同盟而○楚屈完來盟于

師盟于召陵屈完楚大夫也楚子遣完如師以觀齊屈完觀齊之盛因而求盟故不稱使以

完來盟為文齊桓退舍以禮楚故盟召陵召陵潁川縣也○齊人執陳轅濤塗

塗陳受齊命討陳之罪而以大夫○秋及江人黃人伐陳與謀為文者時齊不行

使魯為主與謀例在宣七年○八月公至自伐楚無傳告○葬許

穆公○冬十有二月公孫茲帥師會齊人宋人衛人

鄭人許人曹人侵陳公孫茲叔牙子叔孫戴伯

傳四年春齊侯以諸侯之師侵蔡蔡潰遂伐楚楚子

使與師言曰君處北海寡人處南海唯是風馬牛不

相及也楚界猶未至南海因齊處北海遂稱所不虞

君之涉吾地也何故管仲對曰昔召康公命我先君

大公召康公周大保召公奭也曰五侯九伯女實征之以夾輔周

室五等諸侯九州之伯皆得征討其罪齊桓因此命以夸楚○女音汝賜我先君履東

至于海西至于河南至于穆陵北至于無棣穆陵無棣皆齊

竟也履所踐履之界齊桓又爾貢包茅不入王祭不

共無以縮酒寡人是徵包裹束也茅菁茅也束茅而以酒為縮酒尚書包軌

菁茅菁茅之為異未審○共音恭昭王南征而不復寡人是問昭王成王之孫

南巡守汝漢舡壞而溺周人諱對曰貢之不入寡君

之罪也敢不共給昭王之不復君其問諸水濱昭王時漢

非楚竟故不受罪師進次于陘楚不服罪○夏楚子使屈完

如師如陘之師觀強弱師退次于召陵完請齊侯陳諸侯之

師與屈完乘而觀之乘共載○齊侯曰豈不穀是為

先君之好是繼與不穀同好如何言諸侯之附從非為已乃尋先君之

好謙而自廣因求與楚同好孤對曰君惠徼福於敝

邑之社稷辱收寡君寡君之願也齊侯曰以此衆戰

誰能禦之以此攻城何城不克對曰君若以德綏諸

侯誰敢不服君若以力楚國方城以為城漢水以為

池方城山在南陽葉縣南以言竟土之遠漢水出武

都至江夏南入海言其險固以當城池○(徽古堯

反要)雖眾無所用之屈完及諸侯盟○陳轅濤塗謂

鄭申侯曰師出于陳鄭之間國必甚病申侯鄭大夫

當有共給之若出于東方觀兵于東夷循海而歸其可也東夷

故費見曰師老矣若出於東方而遇敵懼不可用也若出

於陳鄭之間共其資糧靡屨其可也靡草屨○見賢

齊侯說與之虎牢還以鄭執轅濤塗○秋伐陳討不

忠也以濤塗為許穆公卒于師葬之以侯禮也男

以侯禮凡諸侯薨于朝會加一等諸侯命有三等公

子男為死王事加二等謂以死於是有以袞歛袞衣

也相加○冬叔孫戴伯帥師會諸侯之師侵陳陳成

歸轅濤塗陳服罪故歸其附錄初晉獻公欲以驪姬

為夫人卜之不吉筮之吉公曰從筮卜人曰筮短龜

長不如從長物生而後有象象而後有滋滋而且其

繇曰專之渝攘公之瑜繇卜兆辭渝變也攘除也瑜

美也言變乃除公之美○(繇

音由(渝)音一薰一蕕十年尚有餘臭薰香草猶臭草

俞下(渝)同難除必不可弗聽立之生奚齊其姊生卓子及將

立奚齊既與中大夫成謀姬謂大子曰君夢齊姜必

速祭之齊姜大子大子祭于曲沃歸胙于公胙祭之

公田姬寘諸宮六日公至毒而獻之毒酒經宿輒敗

感之公祭之地地墳與犬犬斃與小臣小臣亦斃姬泣

曰賊由大子大子奔新城新城曲沃公殺其傅杜原

款或謂大子子辭君必辯焉以六日之太子曰君非

姬氏居不安食不飽我辭姬必有罪君老矣吾又不

樂吾自理則姬死姬死則君曰子其行乎大子曰君

實不察其罪被此名也以出人誰納我十二月戊申

縊于新城姬遂諧二公子曰皆知之重耳奔蒲夷吾

奔屈二子時在朝為明年晉殺申生傳

經丙寅惠王二十二年五年春晉侯殺其世子申生稱晉侯

從告書春杞伯姬來朝其子無傳伯姬來寧寧成風也

左右因有諸侯子得其朝義而卒不成朝禮故繫于

母而曰朝其子○杞伯姬來絕句來歸寧朝其子猶

言其○夏公孫茲如牟叔孫戴伯娶于牟卿非君命

子朝○公及齊侯宋公陳侯衛侯鄭伯許男曹伯會

王世子于首止 惠王大子鄭也不名而殊會尊之也首止衛地陳留襄邑縣東南有首鄉

○秋八月諸侯盟于首止 聞無異事後稱諸侯者王世子不盟故也王之世子

尊與王同齊桓行霸翼戴天子尊崇王室故殊貴世子 鄭伯逃歸不盟 逃其師而歸也

逃例在 ○楚人滅弦弦子奔黃 弦國在弋陽縣東南 ○九月

戊申朔日有食之 無傳 ○冬晉人執虞公 虞公貪璧馬之寶距絕忠

諫稱人以執同于無道于其民之例例在成十五年所以罪虞且言易也晉侯脩虞之祀而歸其職貢於王故不以滅同姓為譏

傳五年春附錄王正月辛亥朔日南至 周正月今十一月冬至之

公既視朔遂登觀臺以望而書禮也 視朔親告朔也觀臺

臺上構屋可以遠觀者也朔旦冬至歷數之所始治歷者因此則可以明其術數審別陰陽叙事訓民魯公不能常脩此禮故善 凡分至啓閉必書雲物 分春公之得禮也觀音貫

也至冬夏至也啓立春立夏閉立秋立冬雲物氣色災變也傳重申周典不言公者日官掌其職 為

備故也 素察妖祥 ○晉侯使以殺太子申生之故來

告 釋經必頌 初晉侯使士蔿為二公子築蒲與屈不

慎實薪焉 不謹慎為于偽反 夷吾訴之公使讓之 謹讓 士蔿

稽首而對曰臣聞之無喪而感憂必讎焉 讎猶對也 無戎

而城讎必保焉 保而 寇讎之保又何慎焉守官廢命

不敬固讎之保不忠失忠與敬何以事君詩云懷德

春秋左傳集解 善公家五

十一毛 五音〇二

惟寧宗子惟城

詩大雅懷德以安則宗子之固若城

君其修德而固宗

子何城如之

言城不如固宗子

三年將尋師焉焉用慎

尋用也

退而賦曰狐裘九茸一國三公吾誰適從

士薦自作詩也九茸

亂貌公與二公子為三言城不堅則為公子所訴為公所讓堅之則為固離不忠無以事君故不知所從

○(尾)莫江反又音蒙適丁歷反

及難公使寺人披伐蒲重耳曰君父

之命不校乃徇曰校者吾讎也踰垣而走披斬其祛

遂出奔翟

祛袂也○(難)乃旦反祛起魚反翟音狄

夏公孫茲如牟娶焉

因聘而娶故傳實其事

○會于首止會王太子鄭謀寧周也

惠

以惠后故將廢太子鄭而立王子帶故齊桓帥諸侯會王太子以定其位

附錄陳轅宣仲

怨鄭申侯之反已於召陵

宣仲轅

故勸之城其賜邑

齊桓所賜虎牢

曰美城之大名也子孫不忘吾助子請乃為

之請於諸侯而城之美

樓櫓之備美設

遂譖諸鄭伯曰美城

其賜邑將以叛也申侯由是得罪

殺申侯傳

○秋諸

侯盟○王使周公召鄭伯曰吾撫女以從楚輔之以

晉可以少安

周公宰孔也王恨齊桓定太子之位故召鄭伯使叛齊也晉楚不服於齊少安

鎮安鄭

鄭伯喜於王命而懼其不朝於齊也故逃歸不

盟孔叔止之曰國君不可以輕輕則失親

孔叔鄭大夫親黨援

也失親患必至病而乞盟所喪多矣君必悔之弗聽

逃其師而歸○(喪息)浪反 ○楚鬬穀於菟滅弦弦子奔黃

於是江黃道柏方睦於齊皆弦姻也姻外親也道國在汝南安陽縣

南柏國名汝南西平縣有柏亭 弦子恃之而不事楚又不設備故亡

○晉侯復假道於虞以伐虢宮之奇諫曰虢虞之表

也虢亡虞必從之晉不可啓寇不可翫翫習也 一之謂

甚其可再乎為二年假晉道滅下陽 諺所謂輔車相依唇亡齒

寒者其虞虢之謂也輔頰輔車牙車○(車)尺奢反 公曰晉吾宗也

豈害我哉對曰大伯虞仲大王之昭也大伯不從是

以不嗣大伯虞仲皆大王之子不從父命俱讓適吳仲雍支子別封西吳虞公其後也穆生昭昭

生穆以世次計故大伯虞仲於周為昭○(昭)上饒反後昭穆放此 虢仲虢叔王季之

穆也王季者大伯虞仲之母弟也虢仲虢叔王季之子文王之母弟也仲叔皆號若字 為文

王卿士勲在王室藏于盟府盟府司盟之官 將虢是滅何爰

於虞且虞能親于桓莊乎其愛之也桓莊之族何罪

而以為戮不唯偏乎桓叔莊伯之族晉獻公之從祖昆弟獻公患其偏盡殺之專在

莊二十五年 親以寵偏猶尚害之况以國乎公曰吾享祀

豐潔神必據我據猶安也 對曰臣聞之鬼神非人實親惟

德是依故周書曰皇天無親惟德是輔周書逸書 又曰黍

稷非馨明德惟馨馨香之遠聞 又曰民不易物惟德繫物

黍稷牲帛無德則不見饗有德則見饗言物一而異用。繫鳥兮反

和神不享矣神所馮依將在德矣若晉取虞而明德

以薦馨香神其吐之乎弗聽許晉使宮之奇以其族

行行去也曰虞不臘矣臘歲終祭衆神之名在此行也晉不更舉

矣不更舉兵八月甲午晉侯圍上陽上陽魏國都在弘農陝縣東南問於

卜偃曰吾其濟乎對曰克之公曰何時對曰童謡云

丙之晨龍尾伏辰龍尾尾星也日月之會曰辰日在尾故尾星伏不見均服振

振取號之旂戎事上下同服振振盛貌旂軍之旌旗鶉之賁賁天策焯

焯火中成軍號公其奔鶉鶉火星也賁賁鳥星之體也天策傳說星時近日星微

焯焯無光耀也言丙子平旦鶉火中軍事有成功也此已上皆童謡言也童齷之子未有念慮之感而會

成嬉戲之言似若有馮者其言或中或不博覽之士能懼思之人兼而志之以為鑒戒以為將來之驗有

益於世教。賁音奔。其九月十月之交乎。以星驗推。淳他門反。初問反。

十月之交謂夏之九月十月之交謂夏之九月丙子旦日在尾月是夜在策是夜

合朔於尾月行疾故至旦而過在策鶉火中必是時也冬十二月丙子

朔晉滅號號公醜奔京師不書不告也周十師還館

于虞遂襲虞滅之執虞公及其大夫井伯以媵秦穆

姬秦穆姬晉獻公女送而脩虞祀且歸其職貢於王

命祀命祀故書曰晉人執虞公罪虞且言易也

經六年春王正月○夏公會齊侯宋公陳侯衛侯曹

伯伐鄭圍新城新城鄭新密今滎陽密縣○秋楚人圍許楚子不親圍以

圍者諸侯遂救許皆伐鄭之諸侯故不復更叙○冬公至自伐鄭

無告傳六年春附錄晉侯使賈華伐屈夷吾不能守盟而

行賈華晉大夫非不欲校力不能守言不如重耳之賢將奔狄卻芮曰後出同

走罪也媯與重耳同謀而相隨不如之梁梁近秦而

幸焉乃之梁且穆姬在焉故欲因以求之○夏諸侯

伐鄭以其逃首止之盟故也首止盟在五年圍新密鄭所以

不時城也實新密而經言新城者鄭以非時與土功齊桓聲其罪以告諸侯○秋楚

子圍許以救鄭諸侯救許乃還冬蔡穆侯將許僖公

以見楚子於武城楚子退舍武城猶有忿志而諸侯各罷兵故蔡將許君歸楚武城楚

地在南陽宛縣許男面縛銜璧大夫衰經士輿櫬於後唯見其面以璧為贄手縛故銜之楚子問諸逢

伯逢伯楚大夫對曰昔武王克殷微子啓如是微子啓紂庶兄宋之

祖也武王親釋其縛受其璧而被之被除免之禮焚其

櫬禮而命之使復其所楚子從之

經戊辰惠王二十四年七年春楚人伐鄭○夏小邾子來朝

春秋左傳集解卷之八十五

十五 襄見四百七十八

無傳鄭黎來始得王命而來朝也邾之別封故曰小邾○鄭殺其大夫申侯申侯

鄭卿專利而不厭故稱名以殺罪之也例在文六年○厭於鹽反傳同○秋七月公會

齊侯宋公陳世子款鄭世子華盟于甯母高平方輿縣東有泥

母亭音如審○母如字又音無與音預泥乃麗反○曹伯班卒無傳五年同盟于首止

○公子友如齊無傳罷盟而聘謝不敏也○冬葬曹昭公無傳

傳七年春齊人伐鄭孔叔言于鄭伯曰諺有之曰心

則不競何憚於病競強也憚難也既不能疆又不能

弱所以斃也國危矣請下齊以救國公曰吾知其所

由來矣姑少待我欲以申侯說對曰朝不及夕何以待君

○夏鄭殺申侯以說於齊且用陳轅濤塗之譖也濤

譖在五年初申侯申出也姊妹之子為出有寵于楚文王文王將

死與之璧使行曰唯我知女女專利而不厭予取予

求不女庇瑕也從我取從我求我不以女為罪釁○女音汝後之人將求

多於女謂嗣君也求多以禮義大望責之女必不免我死女必速行

無適小國將不女容焉政狹法峻既葬出奔鄭又有寵於

厲公子文聞其死也曰古人有言曰知臣莫若君弗

可改也已○秋盟于甯母謀鄭故也管仲言于齊侯

曰臣聞之招攜以禮懷遠以德攜離也德禮不易無人

不懷齊侯修禮於諸侯諸侯官受方物諸侯官司各於齊受其方

所當貢天子之物鄭伯使大子華聽命於會言於齊侯曰洩

氏孔氏子人氏三族實違君命三族鄭大夫洩息列反若君去

之以為成我以鄭為內臣君亦無所不利焉以鄭事齊如封

內臣○去起呂反齊侯將許之管仲曰君以禮與信屬諸侯

而以姦終之無乃不可乎子父不奸之謂禮守命共

時之謂信守君命共時事○奸音干共音恭違此二者姦莫大焉公

曰諸侯有討於鄭未捷今苟有釁從之不亦可乎子華

犯父命是其釁際對曰君若緩之以德加之以訓辭而帥諸

侯以討鄭鄭將覆亡之不暇豈敢不懼若總其罪人

以臨之總將領也子華奸父之命即罪人鄭有辭矣何懼以大義為辭且

夫合諸侯以崇德也會而列姦何以示後嗣列姦用子華

夫諸侯之會其德刑禮義無國不記記姦之位位會位也

子華為姦人而列在會位將為諸侯所記君盟替矣替廢也作而不記非盛

德也君舉必書雖復齊史隱諱亦損盛德君其勿許鄭必受盟夫子華

既為大子而求介於大國以弱其國亦必不免介因也

鄭有叔詹堵叔師叔三良為政未可閒也齊侯辭焉

子華由是得罪於鄭冬鄭伯使請盟於齊以齊侯不聽子華故

附錄閏月惠王崩襄王惡大叔帶之難襄王惠王大子鄭也大叔

帶襄王弟惠后之子也有寵於惠后惠后欲立之未及而卒懼不立不發喪而告

難於齊為八年盟洮傳洮他刀反

經已巳惠王二十五年八年春王正月公會王人齊侯宋公

衛侯許男曹伯陳世子款盟于洮王人與諸侯盟不譏者王室有難故

洮曹地鄭伯乞盟新服未與會故不夏秋伐晉秋

七月禘于大廟用致夫人禘三年大祭之名大廟周公廟致者致新死之主於廟而列之昭穆夫人淫而與殺不薨於寢於禮不應致故僖公疑其禮歷三禘今果行之嫌異常故書之

冬十有二月丁未天王崩實以前年閏月崩音式

未告

傳八年春盟於洮謀王室也鄭伯乞盟請服也襄王

定位而後發喪王人會洮還晉里克帥師梁由靡

御號射為右以敗狄於采桑傳言前年事也平陽北屈縣西南有采桑津

亦反射食梁由靡曰狄無耻從之必大克不耻走里克曰

懼之而已無速眾狄恐怨深而號射曰期年狄必至

示之弱矣音基夏秋伐晉報采桑之役也復期月明

不殯於廟不赴於同不祔於姑則弗致也寢小寢同

春秋左傳集解卷五 徐二四頁夫

又不可以殯過廟據經哀姜薨葬之文則為殯
廟赴同附姑今當以不薨於寢不得致也 ○冬主

人來告喪難故也是以緩有大叔附錄宋公疾太子

茲父固請曰目夷長且仁君其立之茲父襄公也目夷茲父庶兄子

也魚公命子魚子魚辭曰能以國讓仁孰大焉臣不及

也且又不順立庶不順禮遂走而退

經庚午襄王元年九年春王三月丁丑宋公御說卒四同盟

御魚呂反說音悅 ○夏公會宰周公齊侯宋子衛侯鄭伯許

男曹伯于葵丘周公宰孔也宰官周采地天子三公不字宋子襄公也傳例曰在喪公侯

曰子陳留外黃縣東有葵丘 ○秋七月乙酉伯姬卒無傳公羊穀

故不稱國已許嫁則以成人之禮書不復殤也婦人許嫁而笄猶丈夫之冠 ○九月戊辰

諸侯盟于葵丘夏會葵丘次伯姬卒文不相比故重言諸侯宰孔先歸不與盟 甲子

晉侯僖諸卒未同盟而赴以名甲子九月十一日戊辰十五日也書在盟後從赴 ○僖九委

反經 ○冬晉里克殺其君之子奚齊獻公未葬奚齊未成君故稱君

之子奚齊受命繼立無罪故里克稱名

傳九年春宋桓公卒未葬而襄公會諸侯故曰子凡

在喪王曰小童公侯曰子在喪未葬也小童者童蒙幼未之稱子者繼父之辭

公侯位尊上連王者下絕伯子男周康王在喪稱子一人到禮稱亦不言小童或所稱之辭各有所施此

謂王自稱之辭非諸下所得書故經無其事傳通取舊典之文以事相接 ○夏會於葵

春公三傳集解

丘尋盟且脩好禮也王使宰孔賜齊侯胙胙祭肉尊之比二王

後曰天子有事於文武有祭事也使孔賜伯舅胙天子謂異姓諸

侯曰齊侯將下拜孔曰且有後命天子使孔曰以伯

舅伯舅耆老加勞賜一級無下拜七十曰耆級等也。對

曰天威不遠顏咫尺言天鑒察不遠威嚴常在面目之前八寸曰咫小白余

敢貪天子之命無下拜小白齊侯名余身也恐隕越於下隕越

也撫天王居上故言恐顛墜於下以遺天子羞敢不下拜下拜登受

拜堂下受○秋齊侯盟諸侯於葵丘曰凡我同盟之

人既盟之後言歸於好義取脩好故宰孔先歸既會先諸

侯去○无遇晉侯曰可無會也晉侯欲求會葵丘齊侯不務

德而勤遠畧故北伐山戎在莊三南伐楚在四西為

此會也東略之不知西則否矣言或向東必不能復西略其在亂

乎君務靖亂無勤於行在存也微戒獻晉侯乃還不復

會○九月晉獻公卒里克平鄭欲納文公故以三公

子之徒作亂平鄭晉大夫三公子申生重耳夷吾○至普悲反初獻公使荀

息傅奚齊公疾召之曰以是藐諸孤言其幼賤與諸子縣藐○藐妙

小辱在大夫其若之何欲屈辱荀息稽首而對曰臣

竭其股肱之力加之以忠貞其濟君之靈也不濟則

以死繼之公曰何謂忠貞對曰公家之利知無不為

忠也送往事居耦俱無猜貞也往死者居生者耦兩也送死事生兩無遺

恨所謂及里克將殺奚齊先告荀息曰三怨將作正也

子之秦晉輔之子將何如荀息曰將死之里克曰無

益也荀叔曰吾與先君言矣不可以貳能欲復言而

愛身乎荀叔荀息也復雖無益也將焉辟之且人之

欲善誰不如我我欲無貳而能謂人已乎言不能止

忠於申○冬十月里克殺奚齊於次次喪書曰殺其

君之子未葬也荀息將死之人曰不如立卓子而輔

之荀息立公子卓以葬十一月里克殺公子卓于朝

荀息死之君子曰詩所謂白圭之玷尚可磨也斯言

之玷不可為也詩大雅言此言之缺難治甚於荀息

有焉有此詩人附錄齊侯以諸侯之師伐晉及高粱

而還討晉亂也高粱晉地在令不及魯故不書前已

書例今復重發○晉卻芮使夷吾重賂秦以求入

霸者異於凡諸侯曰人實有國我何愛焉言國非

吾者○從才用友吾者曰人實有國我何愛焉言國非

以賂秦入而能民土於何有從之能得民不齊隰

朋帥師會秦師納晉惠公隰朋齊大夫秦伯謂卻芮

曰公子誰恃對曰臣聞亡人無黨有黨必有讎言夷

黨無黨則無讎言易出易入以微勸秦夷吾弱不好弄弄戲也能鬪不過有節

制長亦不改不識其他公謂公孫枝曰夷吾其定乎

公孫枝秦大夫子桑也對曰臣聞之唯則定國詩曰不識不知

順帝之則文王之謂也詩大雅帝天也則法也言又文王闡行自然合天之法

曰不僭不賊鮮不為則僭過差也賊傷害也皆忌克也能不然則可為人法則

無好無惡不忌不克之謂也今其言多忌克既僭難而賊難

哉言能自定難公曰忌則多怨又曰能克是吾利也其言雖多

忌適足以自害不能勝人也秦伯慮其還害已故曰是吾利○宋襄公即位以公

子目夷為仁使為左師以聽政於是宋治故魚氏世

為左師

經辛未襄王二年十年春王正月公如齊無傳○狄滅温温

子奔衛蓋中國之狄滅而居其土地○晉里克弒其君卓及其大

夫荀息弒卓在前年而以今春書者從赴也獻公既葬卓已免喪故稱君也荀息稱名者雖欲復

言本無遠謀從君於昏○夏齊侯許男伐北戎無傳北戎○晉殺

其大夫里克奚齊者先君所命卓子又以在國嗣位罪未為無道而里克親為三怨之主累

弒二君故稱名以罪之○秋七月○冬大雨雪無傳平地尺為大雪○雨于付

傳十年春秋滅温蘇子無信也蘇子叛王即狄又不

能於狄狄人伐之王不救故滅蘇子奔衛蘇子周司寇蘇公之

後也國於温故曰温子○夏四月周公忌父王子黨

會齊隰朋立晉侯周公忌父周卿士王子黨周大夫晉侯殺里克以

說自解說不篡將殺里克公使謂之曰微子則不及此雖

然子弑二君與一大夫為子君者不亦難乎對曰不

有廢也君何以興欲加之罪其無辭乎言欲加已罪不患無辭

臣聞命矣伏劍而死於是平鄭聘于秦且謝緩賂故

不及平鄭里克黨以在秦故不及里克俱死附錄晉侯改葬共太子共大

子申秋狐突適下國下國曲沃新城遇太子太子使登僕忽

生也而相見狐突本為申沃新城而告之曰夷吾無禮余得請

於帝矣請伐夷吾將以晉畀秦秦將祀余對曰臣聞之神

不歆非類民不祀非族君祀無乃殄乎歆饗也殄絕也且民

何罪失刑乏祀君其圖之君曰諾吾將復請七日新

城西偏將有巫者而見我焉新城曲沃也許之遂不

見狐突許其言申生之象亦沒。見賢遍反又如字及期而往告之曰帝許

我罰有罪矣敝於韓敝敗也韓晉地獨敝惠公故言罰有罪明不復以晉畀秦夷吾

忌克多怨終於失國雖改葬加謚申生猶忿傳言鬼神所馮有時而信○平鄭之如秦

也言於秦伯曰呂甥卻稱冀芮實為不從若重問以

召之三子晉大夫不從不與秦賂問聘問之幣。稱尺證反又如字臣出晉君君納

重耳蔑不濟矣也。蔑無附錄冬秦伯使冷至報問且召

三子冷至秦大夫。冷力丁反。卻芮曰幣重而言甘誘我也遂殺

平鄭祁舉祁舉晉大夫及七輿大夫侯伯七命副車七乘左行共華

右行賈華叔堅驪歆纁虎特宮山祁皆里李之黨也

七子七輿大夫。行戶剛反。共音。恭驪音佳。歆市專反。纁力追反。平豹奔秦平豹平鄭之子

言於秦伯曰晉侯背大主而忌小怨民弗與也伐之

必出大主秦也。小怨里平。公曰失衆焉能殺謂殺里平之黨違禍誰能

出君謂豹避禍也為明年晉殺平鄭傳

經壬申襄王三年十有一年春晉殺其大夫平鄭父以私怨謀

亂國書名罪之書春從告○夏公及夫人姜氏會齊侯于陽穀無傳

婦人送迎不出門見兄弟不踰闕與公俱會齊侯非禮。闕音域門限也○秋八月大雩

無傳過○冬楚人伐黃時故書

傳十一年春晉侯使以平鄭之亂來告釋經書附錄

天王使召武公內史過賜晉侯命天王周襄王召武公周卿士內史過

周大夫諸侯即位天子賜之命圭為瑞。過古禾反受王情過歸告王曰晉侯

其無後乎王賜之命而惰於受瑞先自棄也已其何

繼之有禮國之幹也敬禮之與也不敬則禮不行禮

不行則上下昏何以長世為惠公不終張本○附錄長直良反又丁丈反

夏楊距泉臯伊維之戎同伐京師入王城焚東門距楊

泉臯皆戎邑及諸雜戎居維水維水之間者今伊闕北有泉亭○距俱與反王子帶召之

也王子帶甘昭公也召戎欲因以篡位秦晉伐戎以救周秋晉侯平戎

于王為二十四年天○黃人不歸楚貢冬楚人伐黃

黃人恃齊故經癸酉襄王四年十有二年春王三月庚午日有食之無傳

不書朔官失之○夏楚人滅黃○秋七月○冬十有二月丁

丑陳侯杵臼卒無傳遺世子與僖公同盟

傳十二年春諸侯城衛楚丘之鄆懼狄難也楚丘衛國都鄆

郭也為明年春秋侵衛傳鄆也為明年春秋侵衛傳○黃人恃諸侯之睦於齊

也不共楚職曰自郢及我九百里焉能害我夏楚滅

黃郢楚都○共音恭附錄王以戎難故討王子帶子帶前年召戎伐周

秋王子帶奔齊○冬齊侯使管夷吾平戎於王使隰

朋平戎於晉平和也前年晉救周伐戎故戎與周晉不利王以上卿之禮

饗管仲管仲辭曰臣賤有司也有天子之二守國高

在國子高子天子所命為齊守臣皆上卿也莊二十二年高侯始見經僖二十八年國歸父乃見傳歸

在國子高子天子所命為齊守臣皆上卿也莊二十二年高侯始見經僖二十八年國歸父乃見傳歸

在國子高子天子所命為齊守臣皆上卿也莊二十二年高侯始見經僖二十八年國歸父乃見傳歸

父之父曰懿仲高儀之子曰莊子不知今當誰世○守手又反若節春秋來承王命

何以禮焉節時也陪臣敢辭諸侯之臣王曰舅氏伯舅

故曰舅氏余嘉乃勳應乃懿德謂督不忘往薦乃職無逆

朕命功勳美德可謂正而不可忘者不言位而言管

仲受下卿之禮而還管仲不敢以職自君子曰管氏

之世祀也宜哉讓不忘其上詩曰愷悌君子神所勞

矣詩大雅愷樂也悌易也言樂易君子為神所勞來

驗○勞去聲○勞經甲戌襄王五年十有三年春狄侵衛傳在前○夏四月

葬陳宣公無傳公會齊侯宋公陳侯衛侯鄭伯許男

曹伯于鹹鹹衛地東郡濮陽○秋九月大雩無傳

冬公子友如齊無傳

傳十三年○春附錄齊侯使仲孫湫聘于周且言王

子帶前年王子帶奔事畢不與王言不言子歸復命

曰未可王怒未怠其十年乎不十年王弗召也○夏

會于鹹淮夷病杞故且謀王室也秋為戎難故諸侯

戊周齊仲孫湫致之戊守也致諸侯戊卒于周附錄

冬晉荐饑麥禾皆不熟使乞糴于秦秦伯謂子桑與

春秋左傳集解卷五

諸乎對曰重施而報君將何求言不損秦。施式致反。重施而

不報其民必攜攜而討焉無衆必敗不義故。民離。謂百里

與諸乎百里秦大夫。對曰天灾流行國家代有救災息鄰

道也行道有福平鄭之子豹在秦請伐晉欲為父報怨。秦

伯曰其君是惡其民何罪秦於是乎輸粟于晉自雍

及絳相繼雍秦國都絳晉國都。命之曰汎舟之役從渭水運。

入河汾。經乙亥襄王六年。十有四年春諸侯城緣陵緣陵杞邑辟准夷遷都于

陵魯女。夏六月季姬及鄆子遇于防使鄆子來朝季姬魯女。

鄆夫入也鄆子本無朝志為季姬所召而來故言使鄆子來朝鄆國今瑯琊鄆縣。秋

八月辛卯沙鹿崩沙鹿山名平陽元城縣東有沙鹿土山在晉城災害繫於所災所害

故不繫國。狄侵鄭無傳。冬蔡侯肸卒無傳未同盟而赴以名。許乙反

傳十四年春諸侯城緣陵而遷杞焉不書其人有關

也闕謂器用不具城池未固而去為惠不終也澶淵之會既而無歸大夫不書而國別稱人今此總曰

諸侯君臣之辭不言城杞杞未遷也。澶市然反。鄆季姬來寧公怒止之

以鄆子之不朝也來寧不書而後年書歸鄆更嫁之文也明公絕鄆昏既來朝而還。

關還戶。夏遇于防而使來朝。秋八月辛卯沙鹿崩晉

上偃日期年將有大外幾亡國國主山川山崩川竭亡國之徵。期音基

春秋左傳集解卷之八十五

五音

幾音機附錄冬秦饑使乞糴于晉晉人弗與慶鄭曰皆

施無親慶鄭晉大夫幸災不仁貪爰不祥怒隣不義

四德皆失何以守國號射曰皮之不存毛將安傅號射

惠公舅也皮以喻所許秦城毛以喻糴言既背秦施音

為怨以深雖與之糴猶無皮而施毛音射入聲傳音

附慶鄭曰弃信背鄰患孰恤之無信患作失援必斃

是則然矣號射曰無損於然而後於寇不如勿與言

秦粟不足解怨適足使秦強慶鄭曰背施幸災民所弃也近猶讐

之况怨敵乎弗聽退曰君其悔是哉

經丙子襄王七年十有五年春王正月公如齊無傳諸侯

朝禮也例在文十五年楚人伐徐三月公會齊侯宋公陳侯

衛侯鄭伯許男曹伯盟于牡丘牡丘地遂次于匡匡

地在陳留長垣縣衛南公孫敖帥師及諸侯之大夫救徐公孫

父之子諸侯既盟次匡皆遣大夫將兵救徐故不復具列國別也夏五月日有食

之秋七月齊師曹師伐厲厲楚與國義陽八月

螽無傳九月公至自會無傳季姬歸于鄆無傳來

此書者以明中絕中丁仲反又如字已卯晦震夷伯之廟夷伯魯

氏之祖父夷謚伯字震者雷電擊之大夫既卒書字冬宋人伐曹楚人敗徐

于婁林婁林徐地下邳僮縣東十有一月壬戌晉

侯及秦伯戰于韓獲晉侯例得大夫曰獲晉侯皆背施無親懷諫達十故貶絕下

從衆臣之例而不言以歸不書敗績晉師不大崩。懷皮逼反。

傳十五年春楚人伐徐徐即諸夏故也。○三月盟于

牡丘尋葵丘之盟且救徐也。葵丘盟在九年。○孟穆伯帥師

及諸侯之師救徐諸侯次于匡以待之。○夏五月日

有食之不書朔與日官失之也。○秋伐厲以救徐也

○震夷伯之廟罪之也於是展氏有隱慝焉。隱惡非法所得

尊貴罪所不加是以聖人因天地之變自然之妖以感動之知達之主則識先聖之情以自厲中下之上亦信妖祥以不妄神道助

教唯此為深。○知音智。○冬宋人伐曹討舊怨也

前十四年曹與諸侯伐宋。○楚敗徐于婁林徐恃救也。特齊救。○晉

侯之入也秦穆姬屬賈君焉。晉侯入在九年穆姬申生姊秦穆夫人賈君晉

獻公次妃賈女也。屬音竹。且曰盡納羣公子。羣公子晉武獻之族宣二年傳曰驪

姬之亂詛無畜羣公子。詛莊據反。晉侯烝於賈君又不納羣公子是

以穆姬怨之晉侯許賂中大夫。中大夫國內執政里平等既而皆

背之賂秦伯以河外列城五東盡號略南及華山內

及解梁城既而不與。河外河南也東盡號略從河南而東盡號略也解梁城今河東

解縣也華山在弘農華陰縣西南。解音蟹。晉饑秦輸之粟。在十年秦饑晉

閉之糴。在十年故秦伯伐晉卜徒父筮之吉。徒父秦之掌龜卜者

卜人而用筮不能通三易之秦伯涉河侯車敗詰之之軍

謂敗在已故詰之詰起吉反對曰乃大吉也三敗

必獲晉君其卦遇蠱三三巽下艮曰千乘三去三去

之餘獲其雄狐夫狐蠱必其君也於周易利涉大川

君其義欲以喻晉惠公其象未聞去平聲蠱之

貞風也其悔山也內卦為貞外卦為悔巽歲云秋矣

我落其實而取其材所以克也周九月夏之七月孟

韓晉侯車晉侯謂慶鄭曰寇深矣若之何對曰君實

深之可若何公曰不孫卜右慶鄭吉弗使惡其不孫

駟鄭入也鄭所獻馬慶鄭曰古者大事必乘其產生

其水土而知其人心安其教訓而服習其道唯所納

之無不如志今乘異產以從戎事及懼而變將與人

易變易亂氣狡憤陰血周作張脉僨興外彊中乾狡

也僨動也氣狡憤於外則血脉必周身而作隨氣張

動外雖有彊形而內實乾竭僨扶粉反張中亮反

問僨方進退不可周旋不能君必悔之弗聽九月晉侯

逆秦師使韓簡視師韓簡晉大夫復曰師少於我闞

秦火左傳集解卷五

孫 四百五十一

士倍我公曰何故對曰出因其資謂奔梁入用其寵

為秦所納饑食其粟三施而無報是以來也今又擊之我

怠秦奮倍猶未也公曰一夫不可狃况國乎狃快也言辟秦

則使快來○施式示反遂使請戰曰寡人不佞能合

其衆而不能離也君若不還無所逃命秦伯使公孫

枝對曰君之未入寡人懼之入而未定列猶吾憂也

列位苟列定矣敢不承命韓簡退曰吾幸而得囚得

為幸言壬戌戰于韓原九月十日晉戎馬還潯而止潯

必敗公號慶鄭慶鄭曰復諫泥

也還便旋也小駟不調故墮公號慶鄭慶鄭曰復諫

違卜愆戾也○固敗是求又何逃焉遂去之梁由靡

御韓簡號射為右輅秦伯將止之輅迎也止獲也鄭

以救公誤之遂失秦伯秦獲晉侯以歸經書十一月

經從晉大夫反首拔舍從之反首亂頭髮下垂也拔

赴秦伯使辭焉曰二三子何其感也寡人之從君

而西也亦晉之妖夢是踐豈敢以至狐突不寐而與

夢申生言帝許罰有罪今將晉君而西以晉大夫三

拜稽首曰君踐后土而戴皇天皇后土實聞君之

言羣臣敢在下風穆姬聞晉侯將至以太子瑩弘與

女簡璧登臺而履新焉

營康公名弘其母弟也簡璧營弘姊妹古之宮閉者皆居

之臺以抗絕之穆姬欲自罪故登臺而荐之以

使以

免服衰經逆且告

免衰經遭喪之服令行人服此服迎秦伯且告將以耻辱自殺

音問衰七雷

曰上天降灾使我兩君匪以玉帛相見

而以興戎若晉君朝以入則婢子夕以死夕以入則

朝以死唯君裁之乃舍諸靈臺

在京兆鄠縣周之故臺亦所以抗絕令不

得通

大夫請以入公曰獲晉侯以厚歸也既而喪歸

焉用之

君將晉侯入則夫人或自殺

大夫其何有焉

何有猶

且晉

人感憂以重我

謂反首拔舍

天地以要我不圖晉憂重其

怒也我食吾言背天地也

食消也重直用反

重怒難任背天

不祥必歸晉君

任當也

公子繫曰不如殺之無聚

慝焉

公子繫秦大夫恐夷吾歸復相聚為惡

子桑曰歸之而

質其大子必得大成晉未可滅而殺其君祇以成惡

祇適也音置祇音支

且史佚有言曰無始禍

史佚周武王時太史各佚

無

怙亂

恃人亂為已利

無重怒重怒難任陵人不祥乃許晉平

晉侯使卻乞告瑕呂飴甥且召之

卻乞晉大夫也瑕呂飴甥即呂甥也

蓋姓瑕呂名飴甥字子金晉侯聞秦將許之平故告呂甥召使迎已

子金教之言

曰朝國人而以君命賞

恐國人不從故先賞之於朝

且告之曰孤

雖歸辱社稷矣其不貳圉也貳代也圉惠公太子懷公衆皆哭哀君

不還晉於是乎作爰田分公田之稅應入公呂甥曰

君亡之不恤而羣臣是憂惠之至也將若君何衆曰

何為而可對曰征繕以輔孺子征賦也繕治也諸侯

聞之喪君有君羣臣輯睦甲兵益多好我者勸惡我

者懼庶有益乎衆說晉於是乎作州兵五黨為州州二千五百家

也因此又使州長各繕甲初晉獻公筮嫁伯姬于秦

遇歸妹三三兌下震之睽三三兌下離上睽歸妹史

蘇占之曰不吉史蘇晉上其繇曰士刳羊亦無盍也

女承筐亦無貺也周易歸妹上六爻辭也盍血也貺賜也

六無應所求不獲故下卦無盍上承無實不言之象也離為中女震為長男故稱士女

卦反盍音荒西鄰責言不可償也將嫁女於西而遇

責讓之言不可報償歸妹之睽猶無相也歸妹女嫁

離之象故曰無相相震之離亦離之震二卦變而為

雷為火為羸敗姬羸秦姓姬晉姓震為雷離為火火

象故曰為車說其輓火焚其旗不利行師敗于宗丘

輓車下縛也丘猶邑也震為車離為火上六爻在震

則無應故車脫輓在離則失位故火焚旗言皆失車故敗不出國近在宗邑。說吐活反輓音福歸妹睽

春火... 歸妹睽

孤寇張之狐

此睽上九爻辭也處睽之極故曰睽孤失位孤絕故遇寇難而有弓矢之警皆

不吉姪其從姑

震為木離為火火從木生離為震姪之象於火為姑謂我姪者我謂之姑謂子

圍質秦。質侍

六年其逋逃歸其國而弃其家

謂子圍婦懷嬴明年其死於高粱之虛

惠公死之明年文公入殺懷公于高粱高

梁晉地在平陽楊氏縣西南凡筮者用周易則其象可推非此而往則臨時占者或取於象或取於氣或取於時日王相以成其占若盡附會以爻象則構虛而不經故略言其歸趣他皆放此。虛去魚反王于

况反相

息亮反及惠公在秦曰先君若從史蘇之占吾不及

此夫韓簡侍曰龜象也筮數也物生而後有象象而

後有滋滋而後有數先君之敗德及可數乎史蘇是

占勿從何益

言龜以象示筮以數告象數相因而生然後存占占所以知吉凶不能變吉凶

故先君敗德非筮數所生雖復不從史蘇不能益禍

乎數色主反詩曰下民之孽匪降自天傳沓背憎職

復扶又反

競由人

詩小雅言民之有邪惡非天所降傳沓回語背相憎疾皆人競所主作因以諷諫惠公有

以召此

附錄十月晉陰飴甥會秦伯盟于王城

陰飴甥即

呂甥也食采於陰故曰陰飴甥王城秦地馮翊臨晉縣東有王城今名武鄉

秦伯曰晉國

和乎對曰不和小人耻失其君而悼喪其親

痛其親為秦所

殺不憚征繕以立圍也曰必報讐寧事戎狄君子愛其君而知其罪不憚征繕以待秦命曰必報德有死

其君而知其罪不憚征繕以待秦命曰必報德有死

無二以此不和秦伯曰國謂君何對曰小人感謂之

不免君子恕以為必歸小人曰我毒秦秦豈歸君謂毒

三施不報君子曰我知罪矣秦必歸君貳而執之服而舍

之德莫厚焉刑莫威焉服者懷德貳者畏刑此一役

也言還惠公使諸侯威服復可當一事之功。舍音捨還音環秦可以霸納而不

定廢而不立以德為怨秦不其然秦伯曰是吾心也

改館晉侯饋七牢焉牛羊豕各一為一牢蛾折謂慶鄭曰盍行

乎蛾折音大夫也。蛾音蟻對曰陷君於敗謂呼不往誤敗而不

死又使失刑非人臣也臣而不臣行將焉入十一月

晉侯歸丁丑殺慶鄭而後入丁丑月二十九日是歲晉又饑

秦伯又餼之粟曰吾怨其君而矜其民且吾聞唐叔

之封也箕子曰其後必大晉其庸可冀乎唐叔晉始封之君武

王之子箕子殷王帝乙之子紂之庶兄。餼許氣反姑樹德焉以待能者於是

秦始征晉河東置官司焉征賦也

春秋左傳集解 僖公卷五 三十四 三十五 一百廿

春秋左氏傳集解卷之五

春秋左氏經傳集解卷之五

三五



